



通雅

天文
地輿

自十一
至十五

13
1842
6



加
門號卷
90
6

門 3
號 1842
卷 6

通雅卷之十一

桐山方以智密之輯著
同里姚文燮經三校訂

天文釋天

萬之為天鵠也○唐韻有萬古天字智按萬陸字一也陸字各
書皆載即漢書用之不一萬字則未嘗用也从艸从叀實與天
無義直是訛傳耳精六書者如張有揚桓戴侗周伯琦趙古則
皆載陸字而艾萬字升菴索隱子才精蘊敬甫總要載二象乾
而無萬字朱鬱儀輯古文奇字詳考六書統古天字共十四文
而無萬字已明證為訛文矣三乃本字後作六六禿禿漢以來



變體用之張平子墓碑作夫說文从一大已非本意矣惟金石韻府載巽出古老子智以速異記曰瀨鄉石堂有老子篆書道德經蔡邕于勞以隸書證之唐以李姓尊老君人偽爲之豈非如近日周易全書之篆文古易乎又考碧落碑曰介微熒蕙釋爲大道莫尊咸通十一年庚寅七月朔鄭丞規奉命釋文吾鄉徐守和賞鑒好古士也藏此本豈非因本碑後有允允不貞釋爲昊天不惠則前之巽字非天可知矣永叔以爲總章三歲李漢爲黃公李訓誤朱晨考依金石錄載唐龍興宮碧落碑咸亨元年陳惟玉書永叔云據李璿之言也以内有碧落字故曰碧落碑今碑中敎巽樵禎碧齋釋爲伏願棲禎碧落亦與碧落文

異唐潘遠言碧落碑有二本廣川跋有別本碧落碑宋吳炯曰絳州碧落碑篆在石像背澤州立佛龕西翰王刺二州也或以爲陳惟正李湛李璿書不可辨其字樣出奇怪守和言絳州殘缺不堪則今所傳者豈非吏刻者耶金石韻府亦載碧落文天篆作允益知近本之非舊矣又考寧碑父敦銘有敎巽字釋爲鑿革此一証也姑且勿論卽以碧落之爲天則亦不過唐人之一好奇者拓拾耳李陽冰但愛其筆勢豈重其六書合古哉自經傳鍾鼎漢隸皆無此字而唐人始爲之此後惟潛虛用巽字乃温公門人續成有意示瑰異如元包耳又洪武二年命翰林定宮民書禮儀式禁革民間名字有先聖賢大國君臣並漢晉

唐宋等字正統十年進士登科錄凡大字皆作曷云出內閣意
景泰中幸太學表內閣自爲之中有管窺霄蟲測海蓋亦避天
字也自宋宣和時禁君天等八字非始洪武矣武則天改死堊
等字豈曷亦唐制所改而定不載此細事歟請求博雅者向未
道破近見張司業朱謙甫各著字書方引曷以見博摺撫之士
竄以行文余故著之又引一大爲天二小爲地者則何燕泉
引姚孝寧之說也此皆因形借說耳古天曰神地曰示篆从元
象旗豈从二小彡謂古天爲汀因坳與神同韻地與示同韻則
可而以此立義則王安石矣

仄隱卽側匿言月魄也○五行志作仄隱蔡邕曰元朔而月見
西方謂之側匿說文曰朔而月見東方謂之朏晦而月見西方
謂之朏朏健行朏縞遲郝氏謂律歷志羸朏蘇竟傳盈縮縮卽
朏也以歷法言之則說文所言朔而月見東方晦而月見西方
必無此理乃失曆也豈太初之疎至此乎抑許氏之妄說邪幽
通賦遭罹而羸縮吳志聶友與滕胤書一朝盈縮人情萬端皆
借用羸縮字

物昕曾爽也厭旦應旦也○荀子厭且干牧之野注厭掩也夜
掩于且謂黎明昧爽也黎明亦作遼明或作擘昧爽一作曾爽
曾又作物班固用物昕物郎昧字周禮厥明獻賢能又曰質明
弊旗詩曰嚮晨皆一義也詩明發不寐注疏从明而至夜則地

闇至旦而明則地開發此解亦費力矣蓋言天將明而光發動也昉日初明也大昕日將出也印旦重旦也弟子職對客章應且遂行正厭旦之義也

三商三刻也○士昏禮日入三商為昏公彥曰商謂商量詩東方未明注疏云尚書緝謂刻為商馬氏曰日未出未沒皆二刻半三商據整數也夏文莊蓮華漏銘五夜持宵三商定又蘇子美亦云三商而眠高春而起智謂商乃漏箭所刻之處古以刻鐫為商所謂商金商銀是也刻漏者刻其痕以驗水又有謂三滴省作商者升菴弱侯取之新毗奈耶云佛言應作商矩法取細籌長二尺許指一頭四指豎至日中度影長短是謂商矩可

與商刻之商互證

曠暘曠也○史記封禪書至中山曠暘漢書揚雄傳曠暘謂日晏而暘也曠當从日不當从囚已詳疑始條郝氏以為氤氲之轉其說亦強

柳穀日色也○周禮翠柳注引書曰分命和仲度西曰柳穀疏曰濟南伏生書傳柳者諸色所聚日將沒其色赤兼有餘色故云柳穀吳虞翻泰鄭氏解尚書違失古篆卯字當讀為非古柳卯同字而以為昧今本作宅西曰昧谷如仲翔之言則是康成改柳為昧矣古篆非開而卯闔非郎酉柳正从卯仲翔所說亦未六較也楊用修引為櫛穀字穀見說文淮南言日入崦嵫經

細柳柳非木也檀字諸書無及者多是字海加日作櫛而升庵外集刻作櫛耳學者不可誤用

黔天郎黔天○素問丹天之氣經于牛女黔天之氣經于心尾智按說文黔黎也臣淹切又古咸切黃黑也黔又音禽唐韻兩收之左傳音論其原黔黎郎謂其黃黑色也黔又音禽唐韻兩收之左傳邑中之黔實慰我心黔敖人表作禽敖又作黜地名楚有黜陽蜀黜江皆可二讀如吟音禽又音韻塗可音甘男南入侵簪潭潛湛皆是也

昴當作昂○吳登書經纂言曰昴音留在天之酉位字从卯音莫飽切非詩疏昴之爲言留也漢志二十八宿舍言陽氣之稽

留也後訛爲昂使叶音旋朱氏曰古作昴卯从亞省

日仄因作日吳日是日側日廂通作日稷○西狹頌言劬勞日稷用穀梁子曰下稷之文與堯母碑日稷不夏賈鳳碑乾乾日稷同按孟喜本易作日中則稷昴氏曰稷古文是王嗣宗作仄智以爲音近借用耳按說文引易日廂之離鉉曰俗作吳非而轉注略與才老韻補仍作日吳吳乃是之改體疑廂亦廂之訛而考異本又刻作廂既夕禮曰日側注側映也疏謂日是倍儒一作皆譎皆穴○呂覽明理篇日有鬪蝕有倍儒注日旁氣也在旁反出爲倍在上反出爲儒淮南覽冥訓作皆譎漢書天文志作皆穴今沅水或作潘水可證

頓千連石留昔也○淮南子曰頓千連石是謂下春至于悲谷
謂之暵時注暵音連續博物志云連當音爛今谷韻書字書皆
遺此音說文瀾或作漣可知古連闌音通也隣幾禱志曰同州
民謂連雨為爛雨文選用東汜西汜西流南流皆因濼汜造語
子建用南流謂南陸也字樣留昔即暵時

列缺電光也陽氣從雲決裂而出故名列缺○毛晃曰電光昭
處謂之列缺服虔曰列缺天閔易元包曰噬嗑列缺搏礧礧灼
傳云列缺搏雷之動也礧礧灼電之耀也楊雄賦霹靂列缺吐
火施鞭博物志以霹靂為劈歷張揖謂陵陽子明經云列缺氣
出地二十四百里獅山掌錄曰無厚東方電名順流南方電名

墮光西方電名百生樹北方電名此是臆造仙傳言天嚙噓開
口而咲為電則更誕矣太平廣記月支獻獸兩目如礧礧之炎
光礧先念切礧徒念切智謂即閃電之音也綿畧取之此因元
包礧礧灼之語字學指南復取剗缺字加虫可咲釋文曰蜀本
易以霆為電

雨霓曰霄雪花曰霰○今說文止有霄字升菴且曰徐鉉之誤
當作霄音屑稷雪也即今之粒雪韓詩薛君章句曰霰霰也馮
嗣宗引曰雪花謂之英雪花六出朱子曰一六之數也雪古作
雪智以升菴亦未知按說文省从冫小聲私妙切台振會也从
冫入聲許訖切新附佾舞行列也而肸亦从冫从省古六省即

俗也眉動作切切也从尸目聲私列切說文無眉字故附解于
此而韻書以隸作眉智以武帝紀事八神眉然若有聞詳其意
是肫然而注以爲眉泥說文也眉當从肖聲說文殘舛述于霄
字可考升菴亦仍拘眉从眉之說耳謂霄有眉音則可

日暉者日暉也日暉曰映○梁元帝纂要曰初出曰旭在午曰
亭午在未曰映晚曰盱西落日反照月令廣義引在未曰映此
因升菴也外集載日暉字出纂文郎日映也別條又引王仲宣
詩山園有餘映謂日昃也此更可矣元美亦引日映其所刻嶧
陽石篋之左逸有日代于時爲映智按皆映字諸書誤作映而
月令廣義反以映爲正誤之誤矣蓋映音迭而古通帙音暉从

繩省故亦有帙音升菴所見本偶訛作映郎杲爲映字又安知
非梁元帝之訛邪元美則洽升菴耳天文志候風有食至日跌
爲稷以跌証映益明

格澤旬始妖氣也天衝恠雲也○格澤音鶴鐸相如賦建格澤
之俗竿張揖曰格澤氣如火狀黃白色起地至天下大上銳天
文志云旬始出入斗旁如雄鷄其怒青黑色象伏鼈李奇云怒
當者帑晉灼曰帑雌也或曰怒則色青宋均云怒則芒角刺
河圖稽耀鉤曰填屋散爲旬始王招橫春秋合誠圖曰旬始王
兵爭春秋考異郵曰旬始照其下必有滅王楚辭造旬始而觀
清都注者又謂之皇天名文選東京賦極槍旬始羣光靡遺明

以爲妖星妖氣而召茲羣慝也張伯起乃謂檣槍見浹旬始退卓徵甫注藻林又以旬始爲皇天之居此又訛矣近術家所云旬始者乃謂一旬之首見也呂覽言天衝者雲若蒼衣赤首白鵠又有雲菸滑馬皆雲妖也今本衝作衡陳無功作天衝

野馬陽炎也白駒亦非景○莊子注野馬日光一日游絲水氣也筆談曰野馬塵埃是兩物吳融云動梁間之野馬韓渥云窗裏日光飛野馬皆以爲塵實乃田野浮氣耳龍樹大士曰日光著微塵風吹之野中轉名之爲陽燄愚天見之謂之野馬渴人見之謂之流水翻譯名義云摩利支此云陽炎在日前行或曰野馬猶言曰駒過隙耳語見魏豹傳師古曰白駒日景也程大

昌引劉孝標答劉紹書曰隙駒不留李善注曰墨子言人之生乎地上辟猶駒之過隙二世謂趙高曰人生居世間如騁六驥過決隙也今人或于暑晨登高山嘗見山腰以下巨浸茫茫惟夏秋間有之故曰陽燄實則霧也少選日高則失

九斿九紀皆北斗九星也招搖豁落也○酉陽雜俎云北斗魁第一星神名曰執陰第二星曰叶詣第三星曰視金第四星曰拒理第五星曰防午第六星曰開寶第七星曰招搖此是段誤蓋七星曰搖光第八星曰招搖第九星曰玄戈張東菴以豁落招搖爲一按李白詩身佩豁落圖腰垂虎盤囊均澡云豁落北斗名因昔人有解招搖在上者統稱北斗亦可曰招搖則卽豁

落為北斗可也漢書招搖作招摎才本作招摎升菴言漢書作
招謠誤星家言北斗九星以應九州王伯厚謂九星即九紀指
逸周書小開武篇則非矣劉向九歎曰訊九魁與天神注九魁
北斗九星也王冰注素問九星曰天蓬天內天衝天輔天禽天
心天任天柱天英乃後人立名耳蕭該音義以招搖作畢搖
天雁地雁約約也○約約奔星見爾雅郭璞云流星也藝海河
酌云流星色青赤小者名地雁陰則兵起青赤長二三大者名
天雁

虹蜺曰挈貳曰蜺示曰帝弓貳謂其副貳也弓謂其如弓橋也
○虹蜺鮮者雄鬪者雌一曰赤白曰虹青白曰蜺入聲亦可平

聲沉約作郊居賦以示王筠讀至連蜺雌蜺作入聲約大咲曰
恐人讀作倪字然楚辭注遇雌蜺則音入聲遇雲霓則音平聲
霓音研奚切又倪歷切虹平聲范蜀公石試用彩霓為平司馬
公曰約但謂聲律便美非謂不可平也爾雅虹為挈貳郭璞云
蜺雌虹挈貳其別名見尸子白虎通曰天弓虹也又謂之帝弓
蜺者斗之精失度則蜺見態主惑干毀譽西城亦謂虹為天弓
漢天文志抱殂垂蜺虫即虹史天官書其蜺者類闕旗注蜺亦
作蜺此因蜺音兒歷切也升菴曰天文志有輟垂諺曰東蠻日
頭西蠻兩指蛸蜺為蠻文曰旱龍非今閩中蠻帆之蠻也或稱
挈貳郎蜺貳周禮眡稷九曰隤注虹也耳氏星經曰蜺示示音

旗夜郎滇越謂虹曰水椿江此人呼虹如攬今泗州虹縣去聲
陸佃曰以水噴日自側視之暈為虹霓此可以證矣馮嗣宗謂
飲薛願之酒淫陳濟之妻則因王內淫之說而然也或者又曰
虹雖日映雲氣亦由人目視之而成雲實未變也水噴日晶側
映皆有之水與晶曷嘗變色耶又曰虹本圓形半在地者不見
天精郎天晴陽晶郎陽精○史記天精而景星見注精郎晴直
翁引作天暉今本注韋昭曰精謂清朗也漢書作姓亦作暉正
訛王姓按姓不見經傳從夕生無義反不若晴字之為當也六
書統以古日字干才以為晴古文奇字收畷為古晴字則晴正
合古文徐鉉不知耳古精亦通晶曷為星光易林陽晶隱伏郎

陽精朱氏以精為米細故精神亦作晶神

霽淞凝霧也○張子贇墨莊錄曰寒氣如霧結木如珠見

乃消齊魯人謂之霧淞諺云霧淞重霧淞窮漢置飯甕蓋歲穰
之兆也會子固齊州冬夜詩香清一榻暱逾煖月淡千門霧淞
寒又有霧淞詩霧淞開花處處同舞人齊插玉籠鬆東坡送曹
仲錫詩祇有千林髮鬆花髮鬆郎霧淞音夢送智按今唐韻淞
在平聲別有淞在送韻凍淞冰也爾雅天氣下地不應曰霽霽
在宋韻音蒙弄功霧淞之霧音夢正是霽字一日閱曾公衮與
韓子蒼作冷語有曰千林霧霽水搖風此正得之但霽字不見
字書集韻霽本作霽又作霧淞字則正為吳淞江淞字為凍反

在平聲此則前人未盡載通轉之音而各時方言異也今江北
霧淞俱平而呼霧如毛矣鄭樵注爾雅霧卽蒙字轉注去聲漢
書引易傳云有蜺蒙霧上下合也又曰德不試空言祿茲謂主
竊臣天蒙起而白下相攘善茲謂盜明蒙黃濁下崑州茲謂分
威蒙而日不得明古文尚書雨霽蒙圉克今作蒙才老外禦其
務音蒙此其証也有稱迷宮步障者此見清異錄柴世宗謂韓
彥卿曰迷宮步障霧也威眉霜也教水露也水子電也氣母虹
也眉金星也秋明大老天河也凡此是小家臆造之綺藻終近
俗艷非雅故也

秋神卽迤稱天神也○墨莊漫錄曰東京城北有秋廟音呼烟

切孟元老亦載石掖門秋廟秋神本出西域貞觀五年大秦穆
護同入中國俗以火神祠之名波斯寺更名大秦寺字從天誤
作秋從天故張有載侗輩皆以秋秋妖詠合爲一字黃公紹韻
會作馨烟切于蕭韻秋字引元結頌蠲除秋災又虛烟切故方
子謙合爲一處智嘗按此字起于唐唐官品有秋正旣通西域
因其言而造秋字以爲其神故在新附例長箋曰菊門大半事
天爲室釋典有九十五種外道又言九十六小乘禪在其中漢
時佛法初來秋字未立唐玄奘有西域記始詳其法故徐鉉補
之又按杜預注左傳有睢入泗水次有秋神皆社祠之則火秋
自晉已入中國矣姚寬曰段成式載孝德國事秋相傳漸入中

國自穆護之入唐立祆正則自唐始正其名耳同經佛謂心生
天地故壓天王儒言所以為天者大極固統天地者也物所以
物即天所以天心也性也命也聖人貴表其理其曰上帝就人
所尊而稱之

奔月當為全肉猶黃姑當為河鼓也○河鼓三星見天官說文
引何鼓是荷負也故俗名擔鼓星古樂苑東飛伯勞歌曰黃姑
織女時相見子美用星落黃姑渚蓋因河鼓古近而訛為黃姑
也王道俊玄象博議謂黃姑乃牛宿之異名智嘗吟馬永卿不
知爾雅有兩牽牛今王君又爾邪郝楚望曰淮南覽冥訓羿請
不死之藥于西王母姮娥竊以奔月當作全肉死畜之肉以藥

扮之可令復生後世誤作奔走入月耳高似孫引梁丘子鬻儀
奔日結隣奔月七聖記曰鬻華赤文日精也結隣黃文月精也
說郭宋敏求長安志引作結隣六典作結隣此皆後造姮娥即
嫦娥總以史繩祖常儀占月為是曰奔月亦是附會

史繩祖以常儀為宮名郝楚望以常娥常儀織阿為一趙九天
言姮娥改為嫦娥○姮娥即嫦娥或作常儀儀娥古同音趙凡
夫言為姮娥後改恒娥避文諱改常娥或作姮娥郝公又以織
阿即常娥則不必矣方子謙曰古者羲和占日常儀占月比宮官
名也左傳有常儀靡即常儀氏之後一作常羲後世訛為常娥
此升菴因史繩祖估俾緒論也山海經曰羲和生十日常羲生

月十有二生蓋王字之訛呂覽作占日占月

哀鳥郎依鳥○天宮書一十五星蔚然曰郎位漢書作哀鳥此蓋班馬谷用字形容之皆謂其攢聚紛芒之狀也按星經作依鳥故晉唐人皆作依鳥因謂郎官為依鳥府郝氏以歸邪讀為龜蛇以蔚然讀為哀鳥暖鬱皆非也歸邪狀如太白注邪音蛇此讀作夷而非龜蛇也郝公未考耳古無皆來韻哀字作衣音如僂佈讀為依稀

月魄謂之決鼻○乾鑿度日月八日成光穴鼻始明注穴決也決鼻兔也緯書為漢人所造則漢時方語必有以月魄為穴鼻者

望舒月御言月至望而舒也○古人造詞嘗以意為之蔚藍猶碧落也或曰紫落或曰青冥或曰黃乾或曰泰鴻猶今之言彼蒼言穹蒼耳○老學菴筆記曰蔚藍乃隱語天名非可以義理解也杜子美梓州金華山詩云上有蔚藍天垂光抱瓊臺猶未有害韓子蒼乃云水色天光共蔚藍乃直謂天與水之色俱如藍恐又因杜而失之智謂放翁泥矣蔚藍者正猶碧落亦指天之色也王勃曰翟楚賢有紫落賦郎碧落也以此知碧藍皆招其色明矣楚辭注青冥天也東漢書黃乾皇天也鵬冠子言泰鴻謂天也無功引黃甲青丙為天名此則算法立界之名耳陶穀曰晉出帝呼天為碧翁翁孟郁碑浩蒼郎昊蒼段成

式言天姓張名堅字刺濁妄之妄矣
八風所引不同○陳侍中王叔齋籙紀云條風一曰炎風起自
變天方土之蒼門從東北來明庶風一曰谷風起自界夫開明
之門從東方來清明風起自陽天波母之門從東南來景風一
曰凱風又曰薰風亦曰巨風起自赤天之暑門從南方來涼風
起自朱天編駒之白門從西南來閭闔風亦曰盲風又曰颺風
亦曰泰風起自成天之閭闔門從西方來不周風一曰麗風起
自幽天幽都之門從西北來廣莫風一曰塞風又曰涼風起自
玄天之寒門從北方來呂覽八風東北焱風東滔風東南薰風
南巨風西南涼風西颺風西北厲風北寒風焱一作條巨一作

景字彙作西颺音欬韻會作西颺非颺字今呂覽本西方曰颺
風東北曰炎風黃梅必有誤矣閭闔一作閭盧谷風一作穀風
王莽傳其夕穀風迅疾郎谷風莽傳又曰列風郎烈風說文作
颺風

颺颺颺風也○沈佺期夜泊越州詩颺颺縈海若霹靂耿天吳
颺颺音暗俞蓋指颺風也韻書向無此二字子瞻颺賦斷霓飲
海而北指赤雲夾日以南翔此其兆也常以五六月發颺音吳
在遇韻言東西北之風皆吳也春夏夏秋之交見斷虹狀名
曰颺母夏秋間大風拔木揚沙謂之風潮井水溢溢近海之地
多崩陷名曰海吹皆與颺風同作者也元美以颺母好對孟婆

趙凡天以說文止有颶字大風也干筆切遂不信有颶字以為
颶訛為颶而好事者強解為颶智謁此字在海上相呼上古造
字時何能一一名之今惟颶字見于史冊唐有颶海道總管蘇
海政討龜茲又有謝颶王特勒而颶字止見于孫韻是一疑也
故存其說

天文 曆測

昕天軒天也○李石曰釋天六等一曰蓋天二曰渾天三曰宣
夜舊說云殷代之制四曰昕天昕讀為軒言吳北高南下若車
之軒吳時姚信所說五曰穹天虞氏所說六曰安天晉時虞喜
所論今按黃赤二圈切線二極欹斜正似軒形緯界引賀道養

渾天記近世之術一曰方天二曰軒天
九蒼九重九關九乾九靈九閼九孩九位皆言九天也○阮籍
用九蒼之高天問云圜則九重王逸注招魂九關即九重也崔
駟達旨用九乾王褒九懷與魏張淵賦用九靈楊雄用九閼相
如用上暢九核樂志逝九閼孩孩皆階也靈顯言天有九位道
書言九霄九霄琅書亦分九天之名九天之名分析于太玄詳
論于吳草蘆霞實于利西江按太玄經九天一中天二羨天三
從天四更天五睟天六廓天七成天八沈天九成天此虛立九
名耳吳草蘆霞始論天之體實九層至利西江入中國而暢言
之自地而上為日天水天金天日天火天水天土天恆星天至

第一重為宗動天云地六萬四十七百三十二萬八千六百九十餘里地心至月天四十八萬二千五百二十餘里地球周九萬里日輪大于地球百六十五倍又八分之三大于月輪六千五百三十八倍天五分之一而地球大于月者三十八倍又三分之一諸曜各以例推之此九層相包如蔥頭日月星辰定在其體內如木節在板因天而動而天體本明通透如琉璃毫無限隔也恆星分為六等其第一等大于地球一百零六倍又六分之一次者漸減此以自然之數度推之地與海本是圓形而同為一球居天球之中如鷄卵黃在青內有謂地為方者乃語其定而不移之性非語其形體也天既包地則二極周度緯度

赤道皆相應但天包地為甚大其度廣地處天中為甚小其度狹直行北方二百五十里北極出高一度足徵地形果圓周九萬里厚二萬八千六百三十六里零三十六丈上下四傍皆生齒居如蟻之遊大氣鼓之各以足所履為下首所向為上利公自太西洋海入中國至晝夜平線見南北二極皆平轉南過大浪山見南極出地三十二度則大浪與中國正對矣又按西書南亞墨利加瑪八作正中國對足處故以爪喻之自北蒂而南臍為五帶曰北極圈內曰南極圈內遠日而冷者也曰在晝長晝短二圈之間其地甚熱應赤道近日故也曰在北極晝長二圈之間曰在南極晝短二圈之間北二地謂之正帶曰遙照者也又以地勢分五大州

曰歐邏巴南至地中海北至臥蘭的亞及冰海東至大乃河墨
河的湖大海西至大西洋曰利未亞南至大浪山北至地中海
東至西紅海仙勞冷祖島西至河摺亞諾蒼郎此州只以聖地
之下微路與亞細亞相聯其餘至為四海所圈曰亞細亞南至
沙馬大臘呂宋等島北至西增白臘及北海東至日本島大明
海西至大乃河墨河的湖大海西紅海小西洋曰南北亞墨利
加全為四海所圍南北以微地相聯曰墨瓦臘泥加盡在南方
惟見南極出地而北極常藏焉其界未審何如故不敢訂之惟
知吳北邊與大小瓜哇及墨瓦臘泥峽為境大約各州有百餘
國愚者曰金水附日為輪其言曰大于地百倍餘余不謂然曰

光甚烈人在地上必然死矣焉天日大于地以地影盡而言之
也不知光嘗肥影嘗瘦不可以直線取為圖空一問平置此盤
燈漏沙漏皆因漏刻而名也○曆家大抵以漏刻極長于六十
極短于四十嘗聞前輩言惟正統己巳官曆晝刻三十九夜刻
六十一以為陰過故有土木之變元授時曆則長極于六十二
刻短極于三十八刻以為驗于燕地稍偏北故然外國有蒸羊
脾未熟而天明者則短又不止于三十八刻而已○燈漏今不
傳其製沙漏今多有之以瓶貯沙漏下定刻皆本于水漏以水
浮箭也遠公弟子于匡山作芙蓉漏浮水上便于轉水吳處厚
曰龍圖燕公肅任梓潼青城社作蓮花漏刻倣匡山也○漏水之

製以銅作四櫃一夜天池二日人池三平壺四方分壺自上而
下一層低一層以次注水入海浮箭刻分而上每刻計水二斤
八兩二箭當一氣每氣率差二分半四十八箭周二十四氣其
漏箭以百刻分十二時每時八刻二十分每刻六十分初初正
初各十分故每時共五百分十二時總計六千分歲統二百十
六萬分悉刻之于箭以今尺度箭之刻分尺之一分準刻之十
分初初正初如尺之一分初一正一如尺之六分此其大畧也
議者謂冬寒水澁不能加法流行近有以鐵丸圍轉代流水者
如今自鳴鐘亦一法也又元朝立簡儀爲圓室一間平置地盤
二十四位于其下屋皆中間作圓竅以漏日光可以不出戶而

知天運此與日晷之用正同方可施之晴晝耳出外別有燈漏
沙漏色目人有玲瓏儀皆巧製也

雲漢細星之光也○夏小正七月漢案戶言天河直戶也埤雅
曰河精上爲天漢楊泉物理論曰水氣發而升精華浮上西學
以窺天鏡窺之皆爲至細之星如郎位旄頭而微望之則若河
耳智來嶺表數年又見一奇事河漢以十月收以二月見天下
皆然而嶺表臘月晴燠之夜仍見河漢總不收隱此從古無人
道破者今西圖增入微星又測觜入參度四十分皆前所未有
博物志言天河與海通浮槎見織女歸訪君平乃寓言耳
天官列宿日月五星之所經宿也○史記天官書二十八宿少

一宿北宮玄武不載壁宿何也爾雅有東壁而不載女晉志始
詳載亢音剛牛曰牽牛女曰須女室曰營室壁曰東壁室壁曰
定甯曰此甯音資參罰一曰參伐井曰東井鬼曰輿鬼楚語曰
龍飛言房心尾為龍尾也十二次舍降事降平聲河鼓亦曰牽
牛與織女對河後河鼓訛為黃姑梁樂府云黃姑織女時相見
因而為牛郎織女之說矣宿為日月五星之所經宿曰宿當音
夙後讀作秀解願新語曰元命包以柳為五星天文志星經以
柳為八星心以三月見東喙以正月見東詩言三五在東乃一
時所見耳心喙見東方不能同時則五非喙明矣此卽仁寶所
以咲王厚齋孫季昭不識天文也然又曰亢氏房心合十五星

智按書言三五言其稀耳何必如此拘拘耶如三光為日月星
此常談也鄉飲酒義注三光三大辰也昭十七年星字大辰公
羊曰大火也北辰亦為大辰以此為三此可不謂迂乎懶直子
言亢不當音剛氏不當音低甯不當音訾智謂元如頭頭亢原
音剛甯為口甯古原音資後人轉為上聲耳氏為天根當如四
圭有邸之底

中宮黃龍謂軒轅也○玄象博議曰五行五緯五事而二十八
宿何不言中央邪石氏星經曰中宮黃帝其精黃龍為軒轅首
枕星張又靈憲言黃耳軒轅于中與蒼龍朱雀白虎玄武為五
然後知土位夏季軒轅亦寄居鶉火主雷雨之神後宮之象雷

電風雨露霜露雲虹蜺皆喬抱珥十四變皆主之亦猶土之無
定位而金木水火賴以成與

章閏閏法也○朱子言曆家以一日為九百四十分據當時之
四分曆法也所謂九百四十分日之二百三十五者是一日內
二百三十五分也所謂餘分之積五千九百八十八者一會餘
四百九十九以十二會乘之得五千九百八十八也所謂如日
法九百四十而一者如算日之法以九百四十分為一日也得
六者得六日也不盡三百四十八者將餘分五千九百八十八
除之六日外猶餘三百四十八分也日行積三百六十五日九
百四十分日之二百三十五與天會是一歲日行多五日又二

百三十五分也月行積三百五十六日九百四十分日之三百
四十八為十二會是一歲而月行少五日又五百九十二分也
將日行所多五日又二百三十五分合月行所少五日又五百
九十二分通得十日又八百二十七分一歲之閏率也三歲一
閏合三歲之間日行所多月行所少通得三十二日又六百單
一分也五歲再閏合五歲之所日行所多月行所少通得五十
四日又三百七十五分也十九歲七閏合十九歲日行所多月
行所少通得整日一百九十每歲餘分八百二十七以十九乘
之得一萬五千七百一十三以日法九百四十分而一除之得
十六日猶餘六百七十三分并一百九十日通二百單六日又

六百七十三分也今爲七閏月每月二十九通二百單三日每月餘分四百九十九分以七乘之得三千四百九十三以日法九百四十分爲一除之得三日猶餘六百七十三分并二百單三日通二百單六日又六百七十三分也所謂氣朔分齊者十九年合氣盈朔虛得二百單六日不盡六百七十三分也閏月亦二百單六日不盡六百七十三分氣之分與朔之分至十九年而皆齊此所謂氣朔分齊而爲一章也齊東野語咸淳唐午十一月三十日冬至至後爲閏十一月浙西安撫作章歲積日圖力言置閏之誤謂曆法以章法爲重章法以章歲爲重蓋曆數起冬至十九年爲一章七閏以第七閏在冬至之前必章歲

至朔同日此其綱領也閏法曆宗通義曰回回曆西域馬可之地阿刺必時異人馬哈麻之所作也其元起十階開皇十九年己未之歲其法以三百五十五日爲一歲歲有十二宮宮有閏日九百二十八年閏三十有一日又以三百五十四日爲一周周有十二月月有閏中凡三十年閏十有一日歷千九百四十二年而官日甲子再會其白羊宮第一日日月五星之行與中國春正定氣日之宿值同其用以推步分經緯之度著凌犯之古曆家以爲最密元之季世其法始東齊東野語曰杜征南長曆竊有疑焉如隱公二年閏十二月五年七年亦皆閏十二月然猶是三歲一閏五歲再閏如莊公二十年置閏其後則二十

四年以至二十八年皆以四歲一閏僖公十二年閏至十七年
方閏二十五年閏至三十年方閏率以五歲一閏如定公八年
置閏其後則十年以至十二年四年皆以二歲一閏失之愈疏
矣閏之二年辛酉既閏僖之元年壬戌又閏僖之七年八年哀
之十四年十五年皆以連歲置閏愈疏之甚至平襄之二十七
年一歲之間頗置兩閏蓋曰十一月辰在申司曆過也尤覺其
謬殆不可曉沈存中云近世精于曆者莫若魏朴春秋日食三
十六諸曆通驗密者不過得二十六惟一得二十七朴乃得
三十五朴能不用算推古今日月食但口誦乘除不差一算至
姚虞孫乃出新意舛差不驗至宣和間方士魏漢津倡為黃帝

夏禹聲律身度之說不以累黍而以帝指妄也通書少曆之始
謂之上元必以日月全數為始于前更無餘分以此為端首由
漢以來以曆數名家者惟大初曆以四千六百一十歲為一元
以八十一為分歲已盡都無絲髮之餘重新起曆是時定十一
月甲子朔旦夜半冬至日月合璧五星如連珠乃新曆之第一
日故謂之曆元漢元封七年始當其時故改秦曆用漢曆改秦
正用夏正古曆十九歲為一章章有七閏入章三年閏九月六
年閏六月九年閏三月十一年閏十一月十四年閏八月十七
年閏四月十九年閏十二月若干後漸積餘分大率三十二年
則置閏每月三十日餘以日月會為一月則每月惟二十九日

餘每月參差氣漸不正但觀中氣所在閏前之月中氣在晦閏後之月中氣在朔無中氣則為閏月直指問曰劫按曆法十九年七閏為一章其間五歲再閏者二餘亦不滿六歲故舉其大數曰五歲再閏二十七章為一會三會為一統三統為一元四千六百一十七歲冬至甲子朔且無餘分此太元之曆法也是謂天統千五百三十九歲甲辰朔且冬至無餘分是謂地統又千五百三十九歲甲申朔且冬至無餘分是謂人統凡元二千四百三十三章也大約論之西法行陽曆以大陽為歲自今歲冬至至明歲冬至三百六十五日分十二月三十日或三十一日為一月也所餘四分度之日為三時積四年而為一日故每四年閏一日有閏日之月無閏月之年中國以大陰為曆故有盈虛以月為主而大陽節氣反分注于月之下大陽曆則以節氣為主而朔望分紀于節氣下矣

章部紀元歷之大槩積數也○古法以紀部為宗從伏羲先天甲寅積周一千八百一十四紀再八十五紀人元一十有二部當癸酉部歲在巳五而生帝堯至甲辰歲十有六卽位越二十有一歲得甲子而演紀作曆是年天正冬至日在虛一度按乾鑿度皇極經世及漢皇甫謐所載并然堯在位七十二年舜五十年夏四百三十二年商六百二十九年周八百六十七年秦莊襄終二世四十三年前後漢合四百二十六年至太初二百

三年太初至唐開元甲子凡八百十七年開元甲子至宋朝慶
曆甲甲凡三百二十一年三統曆七十六年爲一蔀二十蔀爲
一紀積一千五百二十歲凡紀首皆歲甲寅日甲子卽以甲子
之日爲初蔀名甲子蔀一也滿七十六歲其後年初日次癸卯
卽以癸卯爲蔀首二也從此以後壬午爲蔀三也乙酉蔀二十
也是一紀之數終而復始以今括而言之漢至章蔀紀元之說
十九年七閏而至朔同日謂之章七十六年四章而至朔同在
甲子日謂之蔀凡一千五百二十歲而至朔同在甲子時謂之
紀凡四千五百六十歲而至朔同在甲子年謂之元此作曆之
本也康節元會運世以年月日時爲確證以二六與五六相乘

以通期自乘十二萬九千六百之數符元其元無盡也此恆法
也八曆自以盈虛質測定之趙爽周髀算經二十蔀爲一遂三
遂爲一首首四千五百六十歲周髀云冬至日照三不覆九夏
至昭九不覆三謂分十二方而言也又嘗按諸太西云自開闢
至崇禎甲申六千八百四十年依所製稽古定儀推之止五千
七百三十四年先儒胡一桂云伏羲神農去洪荒未遠不當知
夫羲晨以前可以十計不可以萬計也
歲差黃道積差也今之法密千古矣○元史郭守敬之授時曆
一以考測爲主以至光辛巳前冬至日時分秒爲氣應以冬至
距朔之日爲閏應而歷代積年之法俱廢矣以日爲萬分分百

為抄而歷代日法俱廢矣推其歲日加氣應即來歲之冬至也
以歲實加閏應滿朔實去之即來歲之閏餘也以今考之古之
歷自黃帝迄秦末凡六改漢凡五改魏文迄隋末十二改唐高
祖迄周末十六改宋凡十八改金熙宗迄元末凡三改天亦以
理與數授之有不容不改者在也嘗考堯時冬至初昏昴中日
在虛七度漢元和三年冬至日在斗二十一度晉大元九年在
斗十七度宋元嘉十年在斗十四度唐開元十二年在斗九度
半宋改統天曆在斗二度元改授時曆退在箕十度至近時嘉
靖間冬至初昏室中日在箕二度起堯甲辰至子今計年凡三
十九百有奇度之差已五十餘矣自漢鄧平改曆洛下閎謂百

年後當差一度漢末劉洪作乾象曆有歲餘之法晉虞喜始以
天為天歲為歲立差以追其變而算之以五十年退一度然矢
之太過後何承天倍增其數約百年退一度而又不及至隋劉
焯折取二家中數為七十五年唐僧一行大衍曆則八十二年
宋統天曆則六十七年惟元郭太史守敬及許衡王恂輩測景
驗氣以至元辛巳為曆元減周歲為三百六十五日二十四分
二十五抄加周天為三百六十五度二十五分七十五抄強弱
相減差一分五十抄積六十六年有奇而退一度定為歲差上
考往古則每百年長一下驗將來則每百年消一又推自春秋
獻公以來二十一白六十餘年凡四十九事而不合者僅十事

耳及至洪武中則漏博士元統以洪武十七年甲子歲前冬至
爲大統曆雖不用消長之法而積分猶仍授時之制也然行之
已久不能無差如正統十四年己巳朔二至之晷有晝夜六十
一刻之文正德九年八月朔日食十三年八月朔日食曆官所
報分秒起復數俱不合嘉靖初掌欽天監事華湘奏自元辛巳
至元統上言時僅一百四十迄今則二百五十年授時曆法每
歲差一分五十抄約六十餘年差一度今合差三度餘西法定
以六十六年八開月而差一度曆立經度緯度日月食分各省
時刻分抄可謂密矣又王曰俞言每歲差一分三十五抄蓋日
纏者日之行積三百六十五日四分度之一而與天會是爲一

歲也月離者月之行每日一周不及十二度十九分度之七積
二十九日九百四十分日之四百九十九而與日會是爲一月
也日與天會者一歲一次而二十四氣由之以生然二十四氣
凡三百六十五日有奇而周則是與三百六十外盈五日也月
與天會一歲十二次而十有二朔由之以生然十二朔凡三百
五十四日有奇而周則是于三百六十之中虛五日也日法者
分一日爲十二時又細分爲百刻又細分之則如四分曆以爲
九百四十太初曆以爲八十一大衍曆以爲二千四十是也蓋
取其便于步推氣朔而已日何嘗有法乎斗分者斗柄指十二
辰而又細分爲二十四氣又細分之則于大初以爲三百八十

五大衍以爲七百九十九是也今西法改萬分百秒爲六十秒
以便宜三分四分無奇零也要之本無定法惟善推者得力在
捷耳歲差二萬五千年而一周約六十八年八閏月差一度崇
禎時立局修曆玉山魏太乙奉旨別局改修授時大統諸法已
竝用弼羅兩西士立局講求而究不能定則當事無決之者北
海薛氏曰中曆不及西士者凡百數種一曰經星度差由于黃
赤道二極不同心星繫赤道而執黃道之部次以求合故自洛
下閔以及郭守敬諸名家測驗無符者一曰宮分今古不同由
于黃赤交道西行自有書契來春分日纏角中漸西至進賢又
至左執法于是而執一定之說遂至寶瓶等十二宮皆差八度

有奇一曰月將之差由于節氣二者皆太陽行度也寧有節氣
已到而月將未到者乎一曰節氣之差由于均分平年太陽行
度之有言縮定朔與交氣皆用之過宮之行豈二十四平除可
盡乎一曰推步不同中曆止于句股割圓而西分正弦餘弦切
線割線等八法二者其類不同粗細亦分焉能一一符合一曰
測景不同中曆測于二至西法獨重二分太陽本輪既殊赤黃
交極各異且青蒙差多焉能在不爽一爲交食分數日食本
于月影月食本于地影卽如大都之東近海清蒙差多西遠海
清蒙差少非一日之贏縮月之遲疾可無遺策也一爲五星緯
度經度如二儀之朔望緯度如二儀之交蝕卽如太陰犯昴太

陰犯土之類每九年一次十二月多然此天地之情也偶爾目
力所及暗陰互異豈遂得真也天道十年一變實無時不變也
今大統本于授時授時本于大明千二百餘年于此矣焉得無
差而西曆于萬曆癸丑方經改定崇禎戊辰尚多測改其疏密
可知也至于五星則自張氏至今千餘年人未問及測步不合
委之失行何以西曆推其經緯更真于日月邪法更立正弦餘
弦正切餘切正割餘割等線始以三角對數法為測量新義詳
見夫步真原爨曰列宿有進退度數有增減日月有上蹈下跳
黃赤相距有遠近非時古今之不同究時時有差爨也未可立
一定法算惟隨時測之乃準耳

唐之水臬郎考工之置槩眠景也○匠人水地以縣置槩以縣
眠以景為規此郝氏讀也故書槩或作弋立謂郎臬通卦驗曰
立八神植八尺之表考靈曜曰從上向下八萬里故以八尺為
法四角四中故須八神神郎引也伯厚曰神郎槩非也宋天文
志韓顯符造銅候儀之制有九九曰水臬十字為之以水平蒲
而準也

七襄有七易之說○王道浚若谷曰七襄更肆者今占步家將
一夜昏旦五更中星分之為七田昏而遍曉中星九七易所謂
七襄也若云自卯至酉是七時且專言日晝之事如上文維天
有漢監亦有光將謂日中見天漢之光豈理也哉下章維北有

斗西柄之揭則斗柄指申蓋秋時也秋分晝夜均星行之次日
與夜無以異故曰終日七襄智按魏扑言日襄斗襄法甚詳蓋
古時謂旬曰襄二十八宿分四方方為七而星家以七曜細配
之或當時有此語而詩人借義言之此篇正多借義
距度言赤道與黃道相距也○舊法赤道去黃道相距二十四
度西法考定二十三度今更攷之得二十三度一分蓋數千年
而一遠一近者也太陽之行亦有高有低蓋數千年而與世近
又漸與地遠也

屋士分野借唐之志為詳然自西法圖成則兩戒之說荒唐矣
兩戒即兩界○天文分野秘占所云鬼料竅青田書本之相傳

各有入度余求其說難通夫天常運而不息地一成而無變以
至動求合至靜未易以齊此其難通者一也若以形象所主必
有相當氣類之應乃出自然不應各有入度之限况天之一度
當地之九千二百餘里細按經星天拱徑七周二十二率算每
度得五百五十五萬八千四百六十里
則天大而地小九礙臆合此其難通者二也且以輿地言之閩
粵交廣東通吳會謂之揚州實當中國之半而分星所屬止斗
牛女三宿則天地廣而天狹矣此其難通者三也智嘗謂陪志
載見南極老人星下尚有大星無數此已明矣利瑪竇為兩圖
一載中國所嘗見者一載中國所未見者天河自井接尾箕盡
核按篤方而分度界之直可謂決從古之疑一行兩戒之論辨

鬼秦雍州雲中八月一度卽折州定襄八井八度雁門八井十
入鬼二度六度代州八井二十八度大原八井八度雁門八井十
郎路州張九度在柳星張周三輔弘農入柳一度卽決州河南入星三
懷度州翼軫楚荆州陵南陽八翼六度南郡入翼十度荆州江
度西桂林武陵入軫十度屬常德府零陵入軫十一度桂陽入軫六度
軫十六度又按經星二萬五千餘歲行天一週進退跳躍故古
今來各宿所距度分前後增減不一如天樞一星古離北極二
度今更踰二度有奇萬皆距參三度今且侵入參二十四分方
域所轄亦各以世殊如河西五郡雍也反屬于衛山西雁代木
冀乃屬雍州職方與圖種種不一以地戒天者可以憬然矣

通雅卷之十二

桐山方以智密之輯著

同里姚文燮經三較訂

天文 陰陽

會易者一易之音也○一而已日月爲易加一爲易而覆云爲
令一也易也會易也皆卷古之喉音也卽音可知其原矣加言
爲山之陰陽擊度作墮隴

于足三陰陽參兩而借之也五運周六氣乘爲三十而倍之也

○一陰厥陰二陰少陰三陰太陰一陽少陽二陽陽明三陽太
陽是陰陽二而參之手足各三則十二經矣天五地六而鬼與

區日天以六為節地以五為制示木一也五六乘為三十九子
四百四十氣而又兩之為六十則甲子一周大輪元會細輪呼
吸皆此幾矣

運氣先舉丹齡用五六之中數而表坤艮也新洛陰洛用八九
之環維而表乾巽也○向以三月辰龍月建為化智按十數中
于五六而戊己當之河漢在天經开尾為坤艮今見西圖首尾
相銜此一徵也先舉丹天齡天戊己之分火土終始化氣而相
生次序也是河圖之寅甲五未開幾也坤土補夏季而四時環
生然君火耗而相火用事坤土補不足對衝艮土以制有餘歲
中歲限之符也心不用而用包絡與命門曰心主曰小心亦是

一證靈樞九宮八風篇曰太一常以冬至居叶蟄宮四十六日
明日居天留如是而舍門陰洛上天玄委倉果新洛周而得始
居叶蟄矣太一日游日從一處至九日復反于一如是無已智
按洛書巽順射乾分剛柔卦此以新洛陰洛稱之表乾巽也是
洛書之己亥辰戌開幾也鄭玄注數金度張衡傳注皆言太一下
行九宮為洛書數玄宗時蘇士言遯甲九宮貴神司水旱請
壇郎今曆書三白圖法一六八為白二黑三綠四碧五黃七赤
九紫亦以四時一周論之

陽隴陰隴子午之橋起關也○內經言夜半陰隴日中陽隴而
脈行應之猶言擁起為隴而過此漸平迤也莊子曰于是橋起

堪輿一作堪餘龜輿古言歲時方位者也○保章氏注曰堪輿雖有郡國所入度非古數也疏曰古黃帝時堪輿亡後代有堪輿者雖非古數時有可言占夢注天地之會建厭所處之晨今八會其遺象也疏曰堪輿大會有八小會亦有八堪輿天老曰假令正月陽建于寅陰建在戌張逸問厭對之義答曰案堪輿黃帝問天老事云四月陽建于巳破于亥陰建于未破于癸是為陽破陰陰破陽故四月有癸亥為陰陽交會十月丁巳為陰陽交會執文志有堪輿金匱十四卷注許慎云堪天道輿地道也孟康曰堪輿神名造圖宅書者公羊疏引堪輿云九月日體在大火日者傳楮先生云孝武時問其日取婦堪輿家曰不可

後漢王景參眾家數術堪輿曰相集為大術玄基唐呂才曰按堪輿黃帝對天老始言五姓後魏殷紹以黃帝四序經文撮要為四姓堪輿引漢志注堪輿天地總名猶言龜輿也龜輿堪輿並通揚子劉合龍南陽劉峻辯命論合龍亂在武功陸澄用合龍龜郭璞用堪黎卽戡也蕭子顯南齊書極溺龜輿卽戡暴可證隋志八會堪餘一卷堪餘曆二卷卽堪輿今則專指風水稱引郭璞葬經謂之形家

叢辰日苑日者家言也○漢執文志有鍾律叢辰日苑按日者傳曰叢辰家曰大山蓋六壬以日子為主小則選擇者流也吳越春秋有六壬課如伍子胥金匱第八及范蠡玉門第一卽六

壬奇門之徵

陽九百六有三說○漢書律歷志九厄四千五百歲為一元一元之中九度陽厄五陰厄四陽為旱陰為水一說九七五三皆陽數也故曰陽九之厄劉琨表曰陽九之會其數四千六百一十七萬為一元初入元百六歲有厄故曰百六之會董卓傳百六有厄遇剝成災靈寶運度經三千三百年為小陽九小百六也九千九百年為大陽九大百六也天厄謂之陽九地虧謂之百六洪景盧疑之者則王湜太乙肘後備檢云曰百五十六年為一陽九二百八十八年為一百六者也大氏太乙論陰陽之厄自是一數託之陽九百六乃傳會其名耳邵子元會運世又

是一法以年月日辰為確証以三百六十自乘為數符

許慎解干支之字皆因氣候直時書之說也○書史言相如作九將篇妙辯六律測尋二氣米日辰之禽屈伸其體升伏其勢象四時之氣為之興降曰氣候直時書又後漢東陽公徐安子搜諸史籀得十二時書皆象神形也王愔目有十二時書許慎說文干支諸字必有曲說陰陽之氣可見當時好立此義久矣或曰干支初為關逢困敦等稱並無甲子之名之字而術家專以此配五行談生剋不推其原安得不惑哉

十二生肖節十二時書而為之說也○方言以十二生肖配十二生肖為八命所屬莫知所起周字文護母留齊貽書護曰首在

武川鎮生汝兄弟大者屬鼠次者屬兔身屬蛇當時已有此語
北方人每以十二生肖配季為號所謂狗兒季羊兒季者豈皆
譯語耶或曰皆不全之物子鼠日少丑牛少齒四蹄足生齒寅
虎短項五卯兔耳長四辰龍虧聰五巳蛇無足午馬虧膽獨未
羊乙木上視申猴虧脾酉雞德形無外腎戌犬虧大亥豬無節
虧腫四蹄申五爪酉虧小腸四爪戌犬善走亥謂無總
也王遠非之曰子為陰極幽潛隱晦配鼠藏迹午為陽極顯易
剛健配馬快行丑為陰俯而慈愛配牛舐犢未為陽仰而秉禮
配羊跪乳寅三陽陽勝則暴配虎性暴申三陰陰勝則黠配猴
性黠卯酉為日月二門二肖皆一竅兔破雄毛則孕感而不交
也鷄合踏而無形交而不感也辰巳陽起而變化龍為盛純次

之故龍蛇配辰巳龍蛇者變化之物也戌亥陰斂而物守狗為
盛緒次之故狗豬配戌亥狗豬者罔守之物也
子卯因桀紂也斷屠月因帝釋之察也月忌避中宮也○時日
之忌固小道也世俗亦有所自來子卯謂之疾月又有往亡日
劉裕李愬皆以往亡日成功檀弓曰子卯不樂蓋本於桀紂之
事唐朝新拾又以正月五月九月為忌月至今仕官上任避之
此本無謂房玄齡等損益階律亦存之以不行刑謂之斷屠月
此佛書智論言帝釋以三五九月察南瞻訖州也月忌以洛書
一二三四五敷之五值中宮至十四二十三皆值中宮故避之
納甲有數說○彖蟲海集曰乾坤父母總攝內外上下故子午丑

未配甲壬乙癸而六子長中少從上下生以位配之乾甲子坤乙未○

辰丙辰戌○坎戊寅申○震庚子午○乾壬午○坤癸未○京房易傳所謂

繫人制久義人寶人專人郎今之火珠林也其納甲用乾納甲

壬之說虞翻曰日月縣天成八卦象三日暮震象月出庚八日

兌象月見丁十五日乾象月盈甲十六日且巽象月退辛二

十三日艮象月消丙三十日坤象月滅乙晦夕朔且則攻象水

流戊日中則離離象火就己戊己土位象見于中日月相推而

明生焉魏伯陽參同契則不列壬癸今堪輿家用之

音起于西商故納音甲子首金猶六十律旋相為宮法也

氣始于東方而右行音起于西方而左行陰陽相錯而生變化

所謂氣始東方者四時始于本右行傳火火傳土土傳金金傳

水所謂音始西方者五音始金左旋傳火火傳木木傳水水傳

土納音與易納甲同法乾紀甲而坤紀癸始于乾輟耕本于筆

談瑞桂堂暇錄所載即王達說也今法曰納音按支依隔八相

生分三合三元依序排列首金者金聲最清也其依為羽羽五

音初輪之音也觀天氣倚半地則十二子順布用地支六氣尊

六甲以為頭逐地而右轉察地依負乎天則十二支逆排用天

子五運列五子以為首隨天而左旋堪輿家曰子支相因遁演

成六十旋于羅經內盤名曰地紀用于上圭外盤名曰天紀重

六十而百二名曰分金皆宗納音五行也訣云六旬甲子妙絕

至七七抽除地與天五減零求生數理納音得此幾人傳此則
又非王陶所說者智按漢志有五音奇咳用兵刑德一行以定
八山卽古吹律聽軍定姓之法觸幾于微至之門也抱朴子曰
黃帝審攻戰納音古有之

曰精在房言東方也月精在昴畢言西方也○若谷曰日一
星在房之西氏之東日者陽宗之精也爲雞二足爲鳥三足雞
在日中而鳥之精爲星以司太陽之行度日一星在昴之南畢
之北月者陰宗之精也爲兔四足爲蟾蜍三足兔在月中而蟾
蜍之精爲星以司太陰之行度亦猶太白在亢歲星在室辰星
在星熒惑在心填星在斗爲五星居宿也智按星家有此說

然推其理謂日生東方氏房東七宿之中也月生西方昴畢西
七宿之中也後遂鑿附其說

天文月令

周公月令因夏小正呂覽因月令淮南因呂覽記有異同非後
人筆也○陸德明以爲呂氏春秋後人所刪蔡邕王肅以爲周
公所作先儒以贊傑俊遂賢良行爵出祿非太尉之職太尉秦
官沒非周公之書予謂不然月令之書自大撓作甲子占斗所
建伶倫制十二律以節四時之度堯命羲和敬授人時分四仲
以定中星驗之于人占之于鳥獸應之于事終以允釐咸熙此
夏時之所由起夏小正之書辭簡理明固已備月令之體周以

農開國猶以時令爲先務大概具見七月周公制禮作樂得無一代之成書使此書盡出不韋之手不應以十二令爲紀各以數釋解釋子後合爲六十一篇太尉固秦官所命冢宰司徒司空司馬與太史樂正樂師澤人虞人四監之類皆周官也不韋不過改周司馬爲太尉耳蓋賢後傑遂賢良與行爵出祿雖非太尉之職而設儀辨休進賢興功制畿內封則大司馬之任也大率周公增益夏小正不韋增益周公之書其間豈得無改竄淮南時則訓此呂氏十二紀又有異同此可爲證戴埴鼠璞極重月令唐明皇有御刪月令李林甫注多異同蓋唐有讀時令之典卽月令也宋賈昌朝撰時令十二卷一行議李淳風專用

呂氏春秋柳子厚言月令分行政事之謬今取七十二候之說分配以七十二卦則月令未可全非也智按古人舉配伏之端幾而推行化裁寓矣一切法皆可環之若不列言將土塊耶章俊卿考索以月令爲然七修類稿曰七十二候後魏載之于曆欲民知驗氣序也陳澹注多謬說康成亦多譌處王昶著素問亦引呂令與今世行呂氏春秋及曆迥有不同如雷乃發聲下有芍藥榮田鼠化鴛下有牡丹華玉瓜生作箭生苦菜秀作吳葵華麥秋至作小暑至丰夏生下有木槿榮蟄虫坏户下有景天華通卦驗亦引物候而其書亡智按卽瑛以五技爲鼯鼠以螻蟻好夜出而皆指螻蛄既辯鳴鴟非蝦蟇矣而復引博勞惡

鳥郎梟鷂旦作鷓鴣之類不必然矣雉响于朝若响于鼎之類
果雌雄交鳴邪王砥唐太僕令自號啓玄子陳晁皆作砥本草
六書故月令廣義皆引作冰何于元日月令章句豕韋蓋春大
春驚蟄降婁之次雨水春分至後漢志始依今序又漢以前穀
雨爲三月節清明爲三月中

歲以紀天步故始于仲冬季以序人事故始于孟春○升菴引
陸賈十二遂元瑞辯之六書索隱直引尚書四時成象以亥爲
古歲歲乃秦字十月爲首故從戌步也焦弱侯引爾雅夏曰歲
取歲里木生于亥而周于戌也釋名云歲越也越古限也智謂
劉熙從戌以聲取義曹子建平原公主詠城闕之詩以日踰歲

况我愛子神光嘗滅則鄉音讀歲爲薛耳陸佃曰水千爲季步
戌爲歲季取禾一熟歲期兩稔故步至戌謂之歲九月建戌也
智謂古呼稔字如季蓋四稔有念音故轉平聲蓋古尚書歲丁度
韻作戠耳宋奉先曆曰曆法布步歲之法以冬至斗建所抵至
明季冬至所得辰刻襄抄謂之斗分故歲文從步戌戌者斗魁
所抵也要論之戌聲耳陸佃取一熟兩稔義已支矣永生春成
于秋春作夏長秋斂冬藏人事周而復始故季從禾四時周爲
一季也歲以紀天步故始于仲冬季以序人事故始于孟春周
官太史掌正歲季以序事此歲年之辯也鄭玄以正歲爲孟春
夏之正月也正月爲仲冬周之正月也子始和不得其說則曰

言始和者猶若改造云爾于凌人不得其說則又曰以季冬為正歲可謂強矣孫氏曰堯典成歲舜典歲二月東巡狩則唐虞不特曰載禹貢十三載乃同則夏不特曰歲太甲曰三年復歸子毫則商不特曰祀洪範惟十有三祀周禮三歲計器史則周不特曰季也蓋載以始一歲而終歲以星一周祀以祭一歲徧季以永一熟當時或班詔用之示改朔之意史官紀文則可通矣改月聚訟亦此故也猶知府知縣不得稱守令也

鼎銘十有三月之文曾南豐以為複為重彥遠以目即休之月數也○劉原父得商洛鼎銘曰惟十有三月傍死魄曾南豐曰古如作貪人作凡此三特二字耳董道曰或謂周十四日為夏

二月元命包曰夏以十二月為正管子有十三月令人之魯二十四月魯梁之民歸齊二十八日萊呂之君請復之語御子才曰四十二月之科一依恒武彼自其君即休後以月為數其時則已再改季矣此亦一說也智按王厚之印譜漢關內侯印作肉此作貪當時刻南豐跋語誤肉為貪耳原治編曰古器銘云十有三月十有四月十有九月或云正月乙子或曰丁子呂與叔考古圖謂嗣王踰年末改元故以月數乙子即甲子丁子即丙子世質人淳取其同類彥遠曰用其剛必取柔以成之今術猶然

歲陽歲名異同○關逢

甲史記作關逢
淮南作關逢

旃蒙

乙史記柔兆
丙史記

游強圍丁史記作著雍戊者道畧切屠維巳史記以維乙史記以戊作徒維
抵上章庚史記重光辛重平聲史玄點作玄七穀城引漢碑作引
墨昭陽癸史記在辛尚章而反以攝提格寅單關印音暹焉又記
丹陽鳳瑞像圍銘龍起嬋焉楚望引漢執徐辰淮南大荒落史記
已史記一作芒落履敦牂午協洽未史記作汁洽履湯灘甲濡昆
反升菴引史記作噩西淮南引作鄂升菴載摳文作詒作靨若
芮漢又作渚漢作作噩西淮南引作鄂升菴載摳文作詒作靨若
閼茂戊今按音掩牙菴引史記作掩茂大淵獻亥困敦音頓赤奮若
丑爾雅以于為歲陽支為歲名今人多雜補之漢人各記其所
傳或馮臆決故多錯舛劉曜時王文曰噩酉小衰因器喪謂酉
與子也

寄月即寤月○三月為寤直翁曰郭璞音丙故收上聲孫炎音
况病切按疏音字柄切鄭樵音柄唐韻引爾雅三月為寄或曰
自正至三月甲乙丙也余未敢必之病實古病字
且月猶焦月○爾雅六月為且鄭音子余切漢仲從之京山以
為焦月蓋因上林賦巴且即巴蕉知古音通六月故
霜月朽月九月也○博南引宋詩九月不虛為朽月謂多霜也
漢韓敕修孔廟器碑霜月之靈九月也永叔咲其不成語或曰
稱菊日竹醉月與韓鄂浴蘭月不尤可咲乎
來月亦曰明月月晦曰提月○左傳明月言後一月也公羊傳
提月六鰓退飛提月者何逮是月也何休注提月邊也魯人語

也

大月良月皆十月也後九月秦歸閏于終也○呂覽仕地篇草
端大月高誘注曰大月孟冬月也端字無訓智疑長笛賦冬雪
揣封之揣音團秦以十月爲首故曰大月韓鄂以十月爲良月
引傳曰使以十月入良月也就盈數焉秦二年後九月卽歸餘
于終之法也高后文帝時屢書後九月則漢猶未改秦曆也
橘滌言歲將除也○李石引十二月得丙曰橘滌智按爾雅作
十二月爲涂注涂音徒愚謂當音除蓋謂歲將除也故李石竟
作橘滌又按通鑑修堂涂亦音除卽今滁州此可證也
唐有兩除夜謂除歲與冬住也○老學菴曰陳師錫家享儀謂

冬至前一日爲冬住廣記盧項傳是夕冬至除夜乃知唐冬至
前一日亦謂除夜詩日月其除去聲陳氏傳其語耳
八神謂八引也○轉注略曰易通卦驗冬至日置八神樹八尺
之表神讀作引言八引者樹杪于地四維四中引繩以正之故
名引智按禮其慎也注作引應田縣鼓注田爲徂卽棘信亦謂
伸足證神之爲引

吁荼言長養也○尚書大傳曰南方者何任方也夏者假也吁
荼萬物養之外也吁荼讀曰噓舒

山谷以恢台釋長贏○山谷跋希圓禹廟詩高閣無恢台直言
無暑氣耳楚辭恢台之長夏恢大也台胎也爾雅曰夏爲長贏

卽恢台也高閣無長羸可乎智按恢台猶說文恢也言火氣也猶炎燁也文選注引國語曰水無況氣火無炎燁音補延切蜀王衍立當面廚烹燁傳毅舞賦舒恢矣之廣度其義大也而字以矣蓋火氣發揚卽有動盪廣大之意希圖詩自不佳然于恢矣之本訓卻合山谷王大胎之說反謬

遷方西方也○前漢志少陰者遷方白虎通云西者遷方也萬物遷落也郊祀歌象載瑜白集西會甘露飲榮泉先俞山卽西隄則知漢時讀西爲遷故毛晃收入先韻音遷余謂當音先如洗在齊韻又在銑韻也說文有栖字遷後也可證西之先音凡夫竟欲改餘糧栖畝爲栖畝則不必耳

陰溼之色曰黧黧○黧黧音梅軫一作霽黧溼氣著衣物生斑沫也黧又作黧沴埤雅以梅子黃時雨曰黃梅雨人遂以黧天爲梅天今韻會是之四時纂要云閩人以入夏逢庚入梅芒種逢壬出梅今江淮以芒種逢丙始入小暑逢未乃出

溽暑曰宛暘○荀子曰夏不宛暘宛讀作蘊詩我心宛結宛音蘊亦可音愠集韻亦作窓又省作宛倉公傳宛篤不發有宛者桺音鬱淮南子六月天子衣宛黃宛宛蘊宛皆相通假大宛及宛縣則音鴛鴦受暑也內經曰中暘重暘

太苾秋祀也○升菴引管子秋至而木熟天子祀于太苾苾與葳蕤音義同草木葳蕤也今廣韻分苾苾爲二而六書索隱復

以風為古昊字太蕊乃大昊也則何以又音蕊而訓歲垂字以式言古多複篆如星作晶累作晶風燄之類天有五帝星心宿其一也為天子之心心中一星曰天王其次舍曰大火秋為七月流火之候而東方宿屬木金令克木故祀之蕊乃心宿之取象也姑存其說又按古太字亦作焱從三太可以為蕊即心字之證

糝斂一作糝斂糝斂○漢律曆志秋糝也物糝斂乃成合溪引作糝即糝字將田切禮記鄉飲酒秋之為言愁也注讀曰糝說文束也增韻斂也汁菴引宋人秋日書故金糝扶序玉字吾嘗嘆汁菴愛此等前人用金商白商既可杜撰金糝則亦可

以白糝字素糝字矣或者讓前人杜撰而我用之乎

霽發一作畢發澤友栗烈一作颯颯栗烈○考異一之曰霽發說又作畢發詩攷作澤友二之日栗烈說文作颯颯董氏作栗列智按說文未引詩但颯讀若栗以此知之轉注畧謂栗亦有列音

時雨曰澍霖雨即淫雨小春月內三雨曰藥雨○繁露曰雨幸大澍易林曰沾洽時澍陸機宴覽夏澍名錦雨說文雷久雨也胡男切靈雲小雨也南陽謂霖霖震鉏箴切陳士元韻注古月令霖雨蚤降即淫雨雪雨霖也今人曰入霑亦曰入液太玄經溟沐即霖霖歲時記小春月內三雨則百蟲飲而藏蟄呼為藥

雨寔義則液雨也江隣幾雜誌同州民謂沾足為爛雨梁益記
稱大漏天小漏天皆謂霖淫也杜詩鼓角漏天東升蒼言蜀九
月曰八月

青旛土牛著于漢志其理則宋人論之矣○漢禮儀志立春日
令吏服青褶立青旛施土牛耕人于門外陳氏曰土勝水牛善
耕勝水故可勝寒氣善耕故可以示農耕之早晚後世土牛法
以歲十幹色為首甲乙青丙丁亦之類也十二支色為身寅卯
青巳午赤之類也納音色為腹以立春日幹色為角耳尾支色
為脛納音色為蹄宋景祐元年以土牛經四篇頒天下丁度為
序

臘臘謂秋臘冬臘也○祈穀會新曰臘類音云臘臘皆臘取禽
獸以祭之名臘以立秋臘以十二月韓非子曰山居而谷汲者
臘臘而相遺以水後志臘臘以八月一作臘臘

蜡臘在歲終報神而祭祖也○伊耆始蜡蜡索也陳祥道曰蜡
所以報本友始息老送終也王玄冕而有司皮弁素服葛帶榛
杖牲醴醕享樂六莖函頌土鼓舞兵舞帔舞夏曰嘉平殷曰清
祀周曰大蜡秦始謂之臘魏紀曰王者各以其行盛日為祖衰
日為臘漢火德用午祖戊臘王肅曰魏末社丑臘今謂臘祭祖
先一事玉燭寶典曰蜡者報百神臘者祭先祖用日而異祭也
前朝四孟享廟戶竈雷門并分五時又于歲暮享廟命官兼祭

五祀蓋本月令臘享五祀也蜡祭鈇焉而各俗尚難
臘明言臘明日也○天文志魏鮮集臘明正月旦決八風上文
言候歲始或冬至日產氣始萌臘明日人衆卒歲壹會飲會發
陽氣言臘之明日也

重三猶重九也○張說大集以三月三日爲重三九日之節以
九九爲長久也修禊謂之戒浴司巫註疏一月有三巳據上旬
之巳而爲祓除之事見今三月三日水上戒浴東晉舉羽觴隨
波是也

寒食有三說漢有龍忌唐猶鈇火則因司烜狗火之故事也○
荆楚歲時記云冬至百五日曰寒食連昌宮詞初過寒食一百
六特勅宮中許焚燭後遂以三月三當之謂之冷節桓譚新論
太原郡民以隆冬禁烟五日周舉傳以介子推之故大原有龍
忌之禁一月寒食舉以盛冬去火損殘民命乃作書置屠而俗
改則此節在仲冬淮南龍忌注中國謂鬼神日忌北塞南越謂
之避龍初學記載琴操注介子推以五月五日焚厄晉文禁民
間不得舉火一作子綏則此說有三按惟晉乘及新序言子推
焚死事殆不足信晉乘傳會劉向耳孟竒以左傳火記爲信焚
火之說則始于司烜氏仲春以木鐸狗火禁于國中注云爲季
春將出火也今寒食適當其時後人緣飾遂爲別說寔以息舊
火出新火後世遂沿之劉向亦多集戰國雜家之說如申生雉

經而說苑以為伏劍之類是也魏武令不許絕火輦下記言唐
寒食鈔火虎臣泰之皆言鈔火控人家火其罰甚嚴清明尚食
乃鑽火洪洲曰介子推姓王名光

清明出遊曰蹣脚○宋清明禁衛作樂四出曰蹣脚

蹣音

四月有開煮○東京記宋時點檢所以四月開煮作臺閣妓樂
戲大脯也

上巳五日皆蹣柳○文昌雜錄曰五曰走馬謂之蹣柳焦氏類
林作籍音札元美作蹣柳演繁露曰壬辰三月三閭李顯忠軍
嘗折柳插隼塲走馬射斷之曰蹣柳音藉呼若乍其矢鏃最闊
取其斷也其蹣林之故事乎

冬節有關撲○夢華錄京師重冬節更新衣享先祖官放關撲
一如年節池苑內亦縱人關撲有以一笏撲三十笏者以上數
名皆踵五代時人雜習大半譯語猶之寄庫陶里樺也

下元有寄庫午曰有討賽咿吶上巳有陶里樺○通考曰十月
十五日一時進堞國王與押番臣僚望木葉山奠酒拜番字書
狀同焚曰寄庫木葉山在薊州馬蘭外諸山明初三衛地也遼
史燕節午日曰討賽咿吶上巳曰射雉為樂曰陶里樺陳無功
引作陶里化六月十八宴國舅族曰坤里尉郎瑛曰金元正月
十六日放偷猶令之走街也

除日焚柴曰糶盆○月令通考吳中風俗除日送舊神焚松柴

謂糶盆或曰以松栢桃杏熟火曰生盆孫慎曰糶粉滓也韻會
曰粥凝歲時雜記除夕作黃燭以麻執濃油如度燎律有元日
油糶之義今糶盆也或作執音華青藤曰俗謂之喪盆或燒冬
青樹或林舊事南郊用之又元夕有黃燭糶盆

以亥日為市曰亥市○青箱雜記蜀有亥市亥音皆言如疫癘
間日一發也諱疫故曰亥市徐筠水志曰荆吳俗取寅申巳亥
日集于市又分寧縣本常州亥市智按吳會曰豫章古澳父詩
云魚收亥日專到市醉臥水痕船信風張藉江南曲云江村亥
日長為市落帆度橋來浦裏後見李淳風易鏡占漁獵勝負篇
云取魚卦空二水又云魚空見水忌土蓋亥子屬水乃知魚收

亥日所自

天文 農時

勞田及時摩勞也○歐陽公通進上書云久廢之地其利數倍
于勞田本六韜勞地之勞諸刻作榮田適姚叔祥得臨川曾得
之較本益知為勞田叔祥因著歐文考異又齊民要術云春耕
尋于勞古曰耨今曰勞說文曰耨摩田器今秋耕待白背勞秋
風若不尋勞地必虛燥諺曰耕而不勞秋耕待白背勞秋
不如作暴蓋天澤難過喜天時故也凡秋耕欲澀春夏欲淺
犁欲廉勞欲再再勞地熟也後漢書劉般傳區種法增耕法言
上農區田區土壅木根也御覽汜勝之奏曰湯有旱災伊尹為
區田智按區近漚聲

藉乃藉艸也○乃乃仍字時征切張華博物志趙襄子狩于中山藉乃燔林唐裴延齡安言長安得陂乃數百頃乃乃舊艸未及而新艸生也世說言新亭藉亦藉艸意也青藤路史曰燒田中艸水曰熅爐乃冢周書曰如艸既薙厥駁其猶有綴乃劉殺樞翳也○齊民要術曰凡山澤開荒皆七月芟人之艸乾而焚之林木大者劉殺之葉死不扇使任耕種三歲後根莖枯朽焚而耕之中爲穀田劉易莖切此卽所謂蓄也从苗艸詩其蓄其翳一作樞荀子曰周公身如斲蓄爾雅曰木立死曰樞借義與栽通又爲災害之苗

冒樞土長也○月令艸木萌動注農書曰土長冒樞陳根可按

藉者急發國語土乃脈發注亦引之漢書藝文志農書有九家百一十四篇鄭玄所引農書先師以爲汜勝之書也漢書注成帝時爲議郎使教田三輔也土長冒樞者謂置樞以俟土智按樞謂直立則正可通解耳急發卽撥也一作岱焦弱侯曰耕起土塊曰岱

樹嫁木介也○唐書寧王憲疾時寒甚疑霜封樹謂之樹介春秋雨木水曰木介卽樹介也言象介冑也憲見而嘆曰此俗謂樹嫁者也諺曰樹嫁遠官怕吾其死矣今問奇集直注木介之介音駕凡夫曰嫁樹當爲樞樹俗訛爲嫁此介不知木介耳騙樹接樹也○月令廣義有騙樹法崔寔月令正月接樹則古

有之矣接則實大而日美俞宗木有種樹書言接樹法甚詳
宿麥言隔歲種也夷下謂麥後種木豆也○國史補言五月有
麥信月令益夏麥秋至白安石師曰今山東呼麥熟為麥秋雍
氏注鄭司農云今俗間謂麥下為夷下言艾夷其麥以其下種
木豆也記勝之曰子欲富黃金覆為壅麥根也夏至後七十日
寒地可種宿麥說文曰春麥為棗此內切猶言穩也

通雅卷之十二終

通雅卷之十三

桐山方以智密之輯著

同里姚文燮經三較訂

地輿 方域

陸文裕曰予嘗欲取今之州縣推而上之以會於禹貢
之命名因以著古今離合遷改之實為一書宋浦江倪
朴文卿嘗作輿地會元志四十卷惜當時以布衣著書
力不能傳其自叙有曰今學者急於利祿專務時文故
不識者不肯目而識者未暇覩也悲夫元符中蜀人稅
安禮撰地理指掌圖臨江吳解著宇內辨智皆不得見
郭景純注山海縣寓寫意耳鄺道元注水經身未得至
南方也嘗覽朱考亭沈存中吳虎臣范公稱王伯厚及
楊升菴章本清馮嗣宗各有所辨欲以朱思本畫方配
里法做謝莊之截木分合就各地古事編圖會括諸志
于修攘考一時不及姑鈔記所
知以候崇禎癸未夏方以智記

河東河西河南河北河內河東淮北淮西江北江南山東陝西

章潢所采宋人之論詳矣○有兗州之河東有並州之河東黃

舊道三代以前自宋衛州之黎陽縣近折而北流故北京及河

北東路諸州在河之東即古兗州之域故周禮職方河東曰兗

州爰自周定王時黃河舊道漸以煙塞秦漢以還河堤屢壞乘

上游之勢波而東下故兗州之域隔在河北而河東之名乃移

在並州戰國以來子史中乃謂河東之地皆指宋朝河有雍州

東路而言之即古並之域也智按此北地皆指宋朝河有雍州

之河西有涼州之河西至黃河源自崑崙崙積石北流餘二千里

里而折而南流故宋永興軍路鄜坊丹延諸州在河之西而河

所稱河西地即指河湟而言古涼州之域也漢以來有中土之河南

有邊境之河南有中國之河北有邊方之河北黃河大勢如覆

正柱斗間中原適當加衡故宋之京畿西路在河之南斯中土

之河南也而綏銀勝夏諸州亦在河南即邊境之河南也河北

東西路在河之北斯中國之河北也而陰山揜海之間有秦長

城外地亦在河北即邊方之河北也三代以前河南之稱止在

中土秦漢而下奪外國南牧之地列為郡縣亦各之曰河南陳

隋以前河北之稱止在中國李唐之初塞外突厥之地悉為郡

縣亦各之曰河北春秋傳中所稱河南初塞外突厥之地悉為郡

之地皆指邊境等而言與前史至不相侔有指一郡而言者

有指一州而言者有指一道而言者如中土河南之地今古指

一郡而言即宋京西屬縣兼鄭孟二周之境而已姬周河南之

稱則指一州而言即宋東西二京及京畿四州之境奄黃

南之稱則指一道而言包古青徐兗豫四州之境李唐河

河以南皆是也宋為東西西南三京及京畿四州之境李唐河

河內異乎漢之河內地周禮職方河內曰冀州即宋河北西路

漢之河東異乎唐之河東漢河東郡即宋懷衛二州是已

古之淮北乃宋之淮南宋唐皆在淮自開國以來至於宋之

河北乃古之河東宋朝以前屬河東地淮西一名也有在京東

州地在今汝州去有西亳南亳北亳而皆非今之亳州也
西亳在鄭
偃師南亳在穀熟有東虢西虢南虢而皆非今之虢州也
東虢在鄭
縣北亳在考城縣有東楚西楚南楚而皆非宋之楚
州榮陽縣西虢在鳳翔府虢有東楚西楚南楚而皆非宋之楚
州也東楚今蘓州西楚今徐
州南楚即今荆州府古之酒泉在河南而今之酒泉在
河西左傳王與虢公酒泉之邑實在于河南而西漢
在下迄今有酒泉郡漢屬河西今在徽外古之丹陽
在荆南而今之丹陽在江東左傳稱楚子邑于丹陽今在荆南
古之豫章在江北今之豫章在江南而皆吳楚之境也古之澶
淵在河南今之澶淵在河北而皆宋衛之郊也襄二十季諸侯
會于澶淵實宋
趙宋之澶淵乃在河北天雄今大名府開州
樂蟠始臧毛氏新喻中廬丹陽匡山謝陽之譌皆王楸之說也

○慶州有樂蟠縣本漢畧畔道地後訛為樂番鎮戎軍有筭頭
山隗囂使王元猛塞雞頭道即此也後訛為訛屯山涼州有姑
臧縣河西舊事謂舊塞外蓋藏城也後訛為始臧婺州長山縣
本長仙縣其地赤松子採藥之所後訛為長山北京館陶縣有
屯氏河漢溝洫志謂河北沒於館陶分為屯氏河後訛為毛氏
河臨江新喻縣本新渝縣蓋有渝水故名而唐天寶後相承作
新喻隰州石樓縣本漢吐軍縣後魏置吐京縣亦音語之訛也
楚鬻熊始封丹陽則在今歸州秭歸縣後楚文王徙都江陵府
枝江縣亦曰丹陽漢於宛陵置丹陽郡隋于丹州置丹陽郡唐
于京口置丹陽郡其地不一而西漢志乃以曲阿之丹陽為楚

所封誤矣漢文帝封淮南王長子陽周侯賜爲廬江王應劭曰廬子國卽廬庸之地按左傳盧戎自在宣城山中劭誤以中廬之廬爲廬江之廬矣舜渙雷澤正城陽之雷澤而周處風土記乃以吳之太湖大雷山小雷山爲舜渙之所子胥之胥山在嘉興東南而張晏乃以太湖之承胥二山爲子胥之山李白少讀書于匡山正綿州大小匡山而寰海舊注乃指江州匡廬山爲白讀書之所或白遊處焉耳後漢樊丹封謝陽侯正詩所謂申伯番番旣入于謝之謝地也而傳乃以爲射陽按射陽在淮陽西卽高祖封項纏之地非丹封地也樊毅碑曰謝陽之孫此可驗也

韓退之南陽在修武非鄧州也○南陽懷州修武縣有南陽城左傳曰晉於是始啓南陽卽此智按韓退之正修武人今爲懷慶府修武縣孟縣亦有韓愈別墅俗呼韓莊金石志載孟縣皇甫湜撰韓碑世人以鄧州之南陽爲退之之里誤矣其稱昌黎者其先昌黎人也愈封昌黎伯今永平府昌黎縣有韓祠馬融曰晉地自朝歌以北至中山爲東陽朝歌以南至軹爲南陽應劭曰秦改名修武臣瓚云韓非書秦昭越趙長平而伐修武時秦未兼天下修武之名久矣秦昭紀魏入南陽以和張儀傳魏絕南陽白起傳攻南陽太行道絕之輿地廣記修武本商之甯邑或王伐紂勒兵于甯更名修武

蕭何南陽之鄼在楚之光化非沛之鄼也○當時在南陽者今
在襄陽之光化縣此蕭何封邑也沛縣之鄼本作鄼音嵯今亦
不在沛縣在歸德府考城縣之鄉間尚有鄼城橋古今分畫境
界學者一時未考宜其隨聲聽訛耳余嘗論之曰漢地理志載
南陽鄼縣侯國不言沛之鄼為侯國非明驗乎沛之鄼為鄼誤
于班固之碑王莽之改水經注之引也班固泗水亭碑曰文昌
四友漢有蕭何序功第一就封于鄼合溪曰孟堅必知封地則
南陽之鄼有嵯音智直謂古時韵粗班固亂叶耳江統徂淮賦
言何封于沛矣水經注渙水逕鄼縣故城南襄十季公會諸侯
及齊世子光於鄼王莽之鄼治矣朱謀埠曰鄼字誤三傳皆作

會于相古文相通鄼應劭曰作嵯漢地志沛郡鄼縣注本作鄼
王莽曰贊治故遂以鄼為鄼古人讀書已浮何怪今人邪又曰
沔水過鄼縣謂之鄼頭高帝五季封蕭何薛瓚曰今南鄉鄼頭
茂陵書曰在南陽王莽更名南庾沔水又過筑陽東師古曰南
陽蕭何封邑音贊本春秋陰國唐為懷州陰城縣有何廟何薨
高后封何夫人同為鄼侯小子延為筑陽侯文帝罷同封封延
元時為光化軍今則為縣屬襄陽府鄼字本義則百家為鄼音
贊寒韵存此則聲轉而廣韵收之歌韵有鄼註曰封邑則誤矣
升菴弱侯定以沛鄼為蕭何封邑而云師古無據者大謬也一
統志載永城縣有鄼侯城為何食邑以訛傳訛亦猶承天府之

陽春亭以宋王生此郢州耳總之漢志分侯國延爲筑陽侯二
證最確而班固之韵乃古通轉之口齒猶攢之从贊難之讀娜
也恕先云江淮以韓爲何京山云閔介之轉爲个此可推矣
詩六月篇之鎬非豐鎬之鎬也○靈夏等地卽六月所謂侵鎬
及方也有什賁故城漢置朔方五原郡孔氏曰劉向疏云吉甫
之歸周厚賜之其詩曰來歸自鎬鎬去京師千里王肅以爲鎬
京王基駁之朱氏曰劉向以爲千里之鎬疑卽朔方也

昆明池正鎬京地也○潘岳關中記曰昆明池曰靈池堯治水
訖停船此地蓋堯已有池漢因而深廣之智按此說大謬昆明
滇池名漢武開以名之曰習水戰已爲鑿說况堯停舟乎徐廣

曰豐鎬相去二十五里通典曰京兆長安縣西北靈臺鄉豐水
上是也鎬今昆明池鎬陂是也昆明鑿而鎬京爲池隋城大而
漢都爲苑稱引古昔者豈可不一覈耶

陶令八十日之彭澤非今小孤前之彭澤也○古彭澤縣在今
湖口縣東三十里漢置晉隋因之凡左蠡而北大孤而東皆其
地也唐武德五年改彭澤爲浩州遷于浩山下至今湖口九都
號五柳鄉八都號彭澤鄉有三學寺祀淵明有洗墨池玩月臺
吳艸廬爲記南唐始析五柳彭澤二鄉之地爲湖口縣見九江
志若以小孤江之彭澤縣爲淵明解綬地則非矣
大別在漢陽非安豐也○孔氏言大別在壽州霍山縣宋之六

安也史記索隱云在安豐縣此誤矣其實在漢陽府亦曰鯢山
魯山左傳楚拒吳濟漢而陳自小別至於大別小別在汝川今
漢口世傳大別龜山黃鶴樓磯蛇山也智又考水經云沒水出
廬江雩婁縣南大別山注云俗名檀山峴卽安豐西南蓋大別
有同名而注尚書者誤

廬山有四古會稽並轄淮南塗山實在壽春非山陰也淮水過
當塗縣非今太平之當塗也○塗山在壽春東北濠州鍾離縣
西九十五里禹會諸侯周穆亦會智又按晉常璩巴志言禹娶
塗山今江州塗山是也江州縣郡治塗山有禹王廟及塗后祠
北水有銘曰張太守於此仙去有粉水世謂江州墮林粉也水

經注引哀十季禹會諸侯于塗山杜預曰塗山在壽春東北史
記索隱又以塗山在九江余按國語仲尼曰禹致群臣于會
稽防風後至殺之其骨專車劉向王肅並有此說則酈君似以
塗山在會稽王伯厚確以爲在壽春或者禹所至山別有會稽
之名乎地理志當塗侯國也淮水過之禹娶塗山卽其地呂覽
曰江淮以辛壬癸甲爲嫁娶曰此足證也太平之當塗乃僑太
名耳杜預所謂塗山在壽春縣東說者云今濠州是也吳越春
秋亦以會稽有塗山又兼載塗山之歌應邵云塗山在永興北
或云蕭山縣是已疑矣蘇鄂演義云塗山有四一會稽二渝州
三濠州四當塗皆有禹跡蓋傳會耳章本清謂柳子厚塗山銘

蘇子由塗山詩指在濠州皆非是此疑未沒耳王楙引翠微考異以宣之當塗正禹之娶所則楙猶無識矣當是古之會稽所轄者大如戰國之楚則徐州南京皆是也句踐滅吳則吳地皆越故通稱會稽漢分爲吳郡會稽郡故又合言吳會或曰濠州之塗山甚小豈能容諸侯不知古言其會地豈直在山上耶壽春有荆山因遷郢而名也○楚自昭王之後又歷十一傳至考烈王始徙都壽春韓非子所載卞和獻玉事乃在厲或文三王之際昭王上接成王已越十世當三王時鍾離何嘗屬楚而強謂卞和至此山邪新序又謂抱玉而汰在共王時雜記又謂在懷王及其子平王時平王乃昭王父下距懷王九世共王上

至成王六世差矣陳寔尚以懷遠荆山爲卞和獲璧處更誤首陽有三○一蒲坂二隴西三洛陽王勉夫以夷齊在洛陽論語註謂在蒲坂非也夷齊令支人冢在肥如漢志遼西令支有孤竹城水經注雷首名獨頭山夷齊所隱都穆謂中條爲雷首下有水曰雷澤

歷山有五○一河中府二齊州歷縣三冀州四濮州雷澤縣五紹興曾南豐齊州堂記云舜耕歷山洩雷澤陶河濱作什器於壽丘就時於負夏鄭康成釋歷山在河東雷澤在濟陰負夏在衛地皇甫謐釋壽丘在魯東河之北河濱在濟陰定陶西南陶丘亭耕稼陶洩皆舜之初事在一時地宜相近孟子又謂舜東

夷之人呂覽舜葬于紀市按鳴條在今贛榆縣有蒼梧山近莒之紀也歷山在齊者是圖記謂南山爲歷山以灤水出歷縣也世因河東雷首山一號歷山瀉水所出舜娶堯女所居謂歷山爲雷首之別號附會也陸魯望云世謂舜田歷山象耕鳥耘聖德感之非也蓋耕深似象步耘疾如鳥啄李石載周處記舜葬上虞始寧剡縣多柞吳會以柞爲櫪故曰櫪山此尤附會趙之扞關非楚之扞關也○趙扞關在陸道楚扞關在水道楚肅王四季爲扞關以拒蜀

李牧所取方城非汝葉之方城也○左傳之方城在汝州葉縣西南唐勒論作萬城方之訛邪漢廣陽郡方城縣後漢屬涿郡一曰葵方城縣唐貞觀時自章信城移固安縣治此李牧伐葵取方城王肅曰今涿郡方城縣有韓侯城又上庸堵水東逕方城此亭名也上庸今竹山縣有方城山堵水注于漢曰堵口下有滂灘

下蔡爲碭石城非獨陝州之碭石也○通典梁大同中于碭石山築城拒東魏天監十五年魏崔亮攻碭石卽今潁州下蔡也水經曰淮水逕山碭謂之碭石周世家克壽州徙州治此魏諸葛誕舉事王昶據碭石以通誕卽此城又晉胡彬援壽春旣陷還保碭石亦此城也

鍾離非今中都城○郡縣志濠州阻淮帶海晉淮南郡鍾離縣

安帝太鍾離郡宋兼置徐州爲重鎮蕭惠休傳蕭坦之昌義之康
絢所守是也隋唐爲濠州通典鍾離縣東四里有古鍾離城卽
魯昭四季楚城鍾離又縣東一里有小東城秦始皇築之以鎮
濠州者終犂卽鍾離史伍子胥傳吳拔楚鍾離居巢注古鍾離
子之國世本作終犂

石城非石頭城也○芊祐傳吳石城守去襄陽七百餘里祐以
詭計令吳罷守祐以孟獻營虎牢而鄭人懼晏弱城東陽而萊
子服乃進據險要開建五城收膏腴之地石城以西盡爲晉有
郡縣志郢州長壽縣城本古之石城背山臨淮水吳於此置牙
門戍城芊祐亦置戍焉郢州西北至襄陽三百餘里水經注沔

水南逕石城西城芊祐所太元康元季分江夏西部置竟陵郡
治此卽今之承天也郢本爲荊州承天爲郢州則自北周改名
而唐因之耳庾亮欲移鎮石城蔡謨曰沔水之險不及大江非
廟算之勝亮不果移樂府有石城莫愁郢有莫愁村弱侯爭以
爲白下石頭城女子誤矣河中之水歌是又一莫愁也且石城
非一魏牽招傳孔明在祁山遣使結連軻比能比能至故北地
石城與相首尾又高州府贛州府皆有石城叙州府金華府永
康縣皆有石城山山名石城石門者不可勝數孫權初都京京
口也十七季權作石頭城臨江歐陽公于彼志言次江口夜大
風次清涼則今之洲乃數百季間事也

石頭有四○韓退之有次石頭驛寄江西王中丞閣老詩故今
洪州石頭驛皆以爲證大觀三季汪藻彥章爲江西提學作石
頭驛記吳曾言江西有兩石頭石頭遷住南嶽地名石頭與白
下石頭爲四

姑蘇或作姑胥姑餘○卮言曰王順伯高德基謂姑蘇乃姑胥
也凡山與臺皆以伍胥得名吳人鄉語以鬚爲蘇故誤曰姑蘇
後遂爲蘇州按續圖經紀云姑蘇臺一名姑餘史記正義云在
吳縣西南三十里山水記闔閭作又云夫差作越絕書云闔閭
造九曲路以遊姑胥之臺然則姑蘇之或謂姑胥或謂姑餘不
可知而始于闔閭成于夫差豈得云因伍胥而誤也姑蘇自是

故名第古以名臺今名驛而正德中纂志書者冠以姑蘇卻大
可笑

番麗梅里也○太伯居梅里今之橫山

許墅本爲虎嘍○因唐諱虎錢王諱鏐而改虎丘劍池四字世
傳顏魯公書乃僞也魯公無不諱虎者唐人修晉書已稱或丘
或林神或門矣

皋橋皋奉卿居也蛇門梅福所隱也岑岑支劓也○俱見吳地
志漢議卽皋伯通字奉卿居皋橋梅福隱蛇門或稱夷門支劓
山支道林所居白馬升雲而去今名岑岑山越中新昌縣天姥
對峙沃洲山亦云支道居之

語兒亭當爲禦兒○雋里地縣南有語兒亭言蠡與西施通生一子此附會最可笑者而陳晦伯胡元瑞厚引以駁升菴西施沈死之說豈不更可笑邪按吳語曰吾用此禦兒臨之韋昭注禦兒越北鄙在今嘉興言吳邊兵若至吾以禦兒之民臨敵之元瑞未讀此乎

雅宜山舊名娜如○元美曰娜如山元虞伯生改爲雅宜凡夫曰南朝張廷尉女曰雅兒死葬處訛爲雅宜吳士王罷字履吉別字雅宜今其山又改爲笄笄

于言二地而今爲一山○詩于與言二地曹氏以爲發于縣隋志邠州內丘縣有于言山今北直順德府唐山縣西北四里有

于言山

汝陽之天中山天之中也○輿地以河南爲中而汝寧又居河南之中故汝陽縣北三里有山曰天中云測影植圭莫準于此然則取黍于上黨亦偏矣或曰或言此地夏至日中無影非也此地距北陸黃道十度日晷恒在兩廣州則無影耳

醋溝在山西氏城北○岑參詩雁塞通鹽澤龍堆接醋溝方回云醋溝不知何地升菴按關駟十三州志山氏城北爲高踰淵又東北醋溝水出焉水在中牟郭緣生述征記醬魁城至醋溝十里鹽澤見穆天子傳卽鹽池

盧罽卽盧溝○吳起云夏桀之國盧罽在其北升菴曰卽盧溝

也畢古皋字則今桑乾河矣

春秋之江黃非今黃州九江也○江國在汝南安陽縣安陽故城在蔡州新息縣西黃國在汝南弋陽縣今光州定城縣水經注黃水入淮曰黃口有黃城

公瑾破曹在烏林非坡公之赤壁也○韓子蒼知黃州訪栖鵲之危巢不復孑矣詢赤壁乃赤嶼磯也顧起元曰赤壁有五漢陽漢川黃州江夏惟嘉魚西南八十里江濱烏林南岸赤壁是也杜牧有寄岳州李使君詩云烏林芳草遠赤壁健帆開此則是矣或曰謝豐山猶于嘉魚南岸石崖間見赤壁二字出弗其山之汶非水經壽張入濟之汶也蜀之汶則岷矣又有

遼東汶城○淮南子曰汶出弗其高誘云弗其山名在朱虛縣東酈氏曰是乃東汶非水經所謂入濟者也汶出太山萊蕪縣原山過奉高縣博縣無鹽縣自桃鄉四分曰四汶左二水雙流至無鹽郈鄉平陸故城合爲茂都澌次一汶至壽張故城爲渚右一汶逕舊宿國與洽鄉注長直溝然今不可考惟汶上縣水至明若秦宓所云汶山江出其腹卽岷也又有遼東之汶城盛輔之曰卽孤竹國也遼東音文山東音問四川音民貉逾汶則死岷山也今一統志列爲三曰塹汶徐汶青汶本清曰入濟之汶見禹貢論語之汶上書傳謂之北汶卽今大清河入維之汶見漢書入沂之汶見水經齊有三汶清河爲大述征記泰山郡

水皆名汶有北汶羸汶柴汶牟汶皆源別流同又在三汶之外
升菴云古作南嶧北嶧或曰王又新汶志言汶過于南旺戴壩
甚詳

留侯封邑在沛非陳留也○張良封留侯留任徐州沛縣今留
城鎮有留侯廟好焉或以陳留爲子房封處廟貌巍然誤也王
洙曰宋或北征過陳留下教修復其失已久矣按傳亮爲劉裕
修張良廟教云塗次舊沛佇駕留城本謂沛縣之留城一統志
已載之王洙語誤

沛之蘄非江夏之蘄也○苞水入渙逕蘄縣蘄縣漢屬沛郡浹
水潼水蘄水皆注于淮陳涉起兵於蘄大澤卽此也江夏有蘄
春縣有蘄水出五蠻中晉改蘄陽縣卽今之蘄州也

漢中有沔陽城非今之沔陽州也○水經沔水逕沔陽故城南
注蕭何所築昭烈卽漢王伉於此城南對定軍山有孔明廟習
隆表召伯甘棠范蠡金像而太者也今沔陽州則屬承天府
父城非城父酈道元誤引爲一○漢地理志潁川有父城縣而
沛郡有城父縣水經注言汝水逕酈縣故城合激水激出晉陽
將孤山東入父城縣與柏水會逕賈復城此正潁川之父城乃
忽引楚平王大城城父居太子建杜預曰襄城之城父也此誤
矣一統志汝州寶豐縣有父城古蹟云卽左傳楚之城父城
郢鄢卽荆襄○鄢襄陽府鄢荊州府也正義曰鄢故城襄州率

道縣南九里郢城在荊州江陵縣東北六里楚又自丹陽徙郢
後九世平王城郢後十世秦拔郢徙陳吳魯曰郢江陵之紀南
城是也春秋有鄢水左傳楚屈瑕伐羅及鄢亂次以濟是也其
後曰夷水謂之漢水又曰蠻水道元所云避桓溫名改者也白
起壅灌拔鄢為縣漢惠改曰宜城春秋有數鄢其曰鄢者戰國
策作鄢楚昭陽伐魏取鄢漢屬潁川唐鄢城縣屬蔡州宋屬潁
昌府此時屬開封府許州卽漢之潁川也鄭伯克段于鄢周語
注妘姓國為鄭成公所滅漢陳留有鄢縣應邵曰克段此地也
升菴引趙匡曰鄢當作鄢在緱氏縣南為近後漢鄢屬梁國又
晉敗楚鄢陵漢潁川有鄢陵縣注云六國曰安陵宋東京鄢陵

縣也此時屬開封之鄢陵鄭邑戰國安陵也郡縣志故鄢在宋
州寧陵縣南五十二里鄭伯克段於此今寧陵屬歸德府莒亦
有鄢陵公孫敖逆婦于莒郊鄢陵登城見之美其曰鄢亦不一
楚徙壽春亦命曰鄢其為鄢州者竟陵古鄖國郡縣志云在
今鄖州長壽界竟陵大城是也今為承天府明初安陸州也三國
魏曰鄖州晉分江夏西部置竟陵郡後周以其地置鄖復二州
或昌府劉宋時亦曰鄖州宋孝成分荆湘江三州之八郡為鄖
州鎮夏口此或昌府也隋平陳改為鄖州今鄖都白雪概多誤
用而承天古蹟且有白雪樓陽春亭其誤已久沈存中皆以安
陸為鄖他可知矣哀郢曰顧龍門而不見孰兩東門之可蕪注

云楚都南門三門一名龍門一名修門兩東門郢都東關有二門也今分荆鄢音焉鄢城音偃又有三荆通典獨孤信略定北荆州即今河南府伊陽縣東荆州後改曰淮州今唐州西荆州今鄧州北史獨孤信都督三荆州是也經外雜鈔曰東晉王忱督荆州始于江陵營城府曾南豐言襄州韓公井即昭王井有楚故城謂之故牆即郢也

西鄂鄧州東鄂武昌○傳曰翼九宗五正逆晉侯於隨內諸鄂音晉人謂之鄂侯杜氏曰晉別邑紂時鄂侯或此地乎輿地記曰今鄂州武昌楚之東鄂也漢為江夏鄂縣孫權改為武昌鄧州南陽漢之西鄂張衡西鄂人今南陽有平子墓鄂君之歌則

東鄂也

邾鄒一也

邾

陟輪切

鄒

側鳩切

聲轉春秋邾莒用夷故邾謂之邾

婁婁亦兩音力俱切者合邾婁之音為邾力溝切者合邾婁之

音為鄒也輿地廣記曰淄州鄒平縣古鄒國也兗州鄒縣邾文

公所遷本繹邑也楚宣王滅邾遷之江夏故江夏有邾城今為

黃州黃岡縣

扈鄆一也○書曰啓與有扈戰于耳說文曰鄆縣有扈谷耳亭輿地記今京兆鄆縣有耳水出南山耳谷此入渭今鄆縣屬西安府秦曰耳亭魯莊會齊侯于扈征南曰鄭地在滎陽卷縣西北元為鄭州原或縣近朝原或縣不隸鄭州而屬開封漢之卷

平聲縣屬河南郡又有扈瀆在今上海縣北十里本海監之東堰
晉袁山松築壘以禦孫恩者西安府洛南縣有玄扈山古讀扈
如虎

鞏之鄆非斟鄩也○元凱曰北海平壽縣有鄆音亭今在青州
濰縣卽斟鄩也周子朝之亂二師圍郊鄆潰杜注河南鞏縣西
南有地名鄆中水經注云洛逕偃師縣南鄆鄆水注之有上鄆
下鄆又有鄆地周大夫鄆胙之舊邑九江爲尋陽今作潯又廣
西有潯州府音皆同或曰與鄆通非也嘗按古輿圖志考曰地
志青州壽光縣古斟灌城北海縣斟鄩城大康營陽夏相徙商
丘相近而依之非居也

鄆新息也○魯會吳伐齊師于鄆音說文姬姓之國在淮北今
汝南新鄆近時汝寧府有息縣是新息正當單作息鄆乃齊地
也後漢書馬文淵封息侯亦單作息

白馬之口定胥之口○韓非初見秦王曰沒白馬之口以沃魏
氏張儀說趙曰守白馬之津後漢注屬東郡今滑州白馬縣有
白馬山在縣東北水經注黎陽東垵有故城竹書紀年梁取枳
道與鄭鹿鄭鹿卽是城也故亦曰鹿鳴津又曰白馬袁紹攻劉
延于白馬卽此處又名黎陽津黎陽今滑州也慕容德從滑臺
至黎陽津水合夜濟改爲天橋津周世宗北征命學士爲文祭
白馬祠訪于尹拙拙歷數郡國祠白馬者凡十餘處杜牧曰黎

陽距白馬津三十里五代屬澶州今之開州也濬滑皆爲大名
縣定胥之口正義曰淇水出衛州清淇縣東至黎陽入河魏志
云成帝于清淇口東因宿胥故瀆開白溝道清淇二水入焉水
經注宛水東南入淇水右合宿胥故瀆瀆受河于頓丘縣遮害
亭東黎山西北大石堰遏水東北注魏成嘉其功故蘇代曰沒
宿胥之口卽指是瀆也通典曹公于水口下大枋木成堰遏淇
水入白溝時人號枋頭溝洫志黎陽遮害亭西十八里至淇水
口晉桓溫敗于枋頭卽此蒲洪歸枋頭遣使來降謝尚使戴施
據枋頭後魏移汲郡治此頓丘今亦在開州地又延津逕滑臺
城今開封府延津縣卽酸棗曹公遣于禁守延津曹公又北救

劉延至延津卽其地一名靈昌津卽左傳之廩延也

黃卷坂桃林塞卽新安潼關也潼衝也○潼關在華州華陰東
北三十九里古桃林塞也晉使詹嘉處瑕以守桃林之塞注云
華陰東潼關關西一里有潼水秦函谷關在漢弘農縣卽陝州
靈寶縣西南十一里漢元鼎三年楊僕爲樓船將軍本宜陽人
恥居關外請以家僮七百人徙關于新安帝從之初平二年董
卓脅帝出函谷關自此以前其關竝在新安至建安十六年曹
公破馬超於潼關是中間徙於今所河之北岸則風陵津北至
蒲關六十餘里黃卷坂在魏州閿鄉縣西北卽潼關路水經注
河水自潼關東北流水側長坂曰黃卷通謂之函谷關今攷古

函谷關在陝州靈寶縣西南潼關在華州華陰縣自潼關至函谷歷陵華二州之地俱謂之桃林塞項羽坑秦卒在新安世民入關先破新安今仍爲河南之屬縣名潼音昌容切謂河水自龍門南流衝激華山故名衝關後訛爲潼關智按潼卽有衝之音義非衝訛爲潼也

尋陽原在江北柴桑在江南晉曰江州温嶠之所移也○尋陽漢屬廬江通典舊縣在江北蘄州界晉温嶠移於江州柴桑漢屬豫章晉志有湓口關今爲九江府

廬江郡以大江望廬山名敷淺原廬山也○禹貢表山豈彭蠡高山如廬而不表之邪古華作專如華不注山以此稱之唐韻

淺流疾兒猶漸漸之類勿泥深淺也原古源字廬山瀑竅多其爲敷淺原乎廬江今爲一縣秦漢以名郡必以廬山爲望明矣水經廬江出三天子都謂彭蠡出饒而源于徽之大鄣率山也率山名三天子鄣鄣一作都或曰敷淺原在德安朱子辨之一統志崇陽縣西百二十里雲谿山是敷淺原亦附說也廬山在《山海經》爲柴桑之山張孟奇曰廬山舊名柴桑山因匡君廬而稱廬山郭璞註曰柴桑山與廬山相連據後世淵明柴桑里山爲廬山之麓而言也

東興卽東關也○巢湖在巢縣西周廻五百里南出于東關口北至合肥界東南有石渠是名關西相傳云夏禹所鑿嘉平四

季諸葛恪於東關作大堤遏巢湖巢一名焦後漢記作灤東關
今在和州含山縣西九十里含山東晉龍亢地

慎陽當作滇陽○荀淑至慎陽見袁閔師古曰慎字本作滇音
真後誤爲慎耳今獨有負丘德陽縣此時有真陽縣屬汝寧府
固當日之汝南也闕駟曰永平王失印更刻誤以水爲心今猶
有真丘

沙澧洮強之漢也○吐谷渾復興沙澧皆附之洮水出強臺山
東北逕吐谷澤中自洮強南北三百里中莫草皆是龍鬚而無
樵柴謂之強川與澧通渠良切

僂海先零之水也○楊軌降于烏孤西犇僂海漢書有西匡曰
先零音憐金城郡令居亦力延切令零僂實相通遐荒之地名
記者隨音而記之耳

士雅山因祖逖而名也○梁或遣馬仙琕救義陽元英結壘上
雅山胡三省注上雅當作士雅水經注義陽之東有大木山卽
祖逖將眾避難所居也智又見魏書中山王英傳于士雅山結
壘與曹景宗相抗溫公誤作上宋人小說以祖士雅爲士雅陳
睂公以爲確然今據此仍是雅矣

沮中卽相中也○沮亦音祖吳赤烏四季諸葛瑾取相中朱然
傳征相中相中在上黃界去襄陽一百五十里魏夷王梅敷兄
弟屯此沔南之膏腴郡縣志相山在襄州南漳縣漢臨沮界東

北一百八里房陵東山沮水所出
八陣圖凡四○郡縣志在夔州奉節縣西七里薛氏曰圖之可
見者三一在沔陽之高平舊壘卽漢中府西縣東南十里一在
新都之八陣鄉卽成都府新都縣北十九里李膺益州記曰稚
子闕北五里其一在夷復永安宮南江灘水上夷復卽今奉節
縣現今府學是也卽白帝城白帝因公孫述時白龍見城與赤
甲山接東臨瀼溪山上尚有夷復城古蹟成都圖經云在夔者
六十有四方陣法也在彌牟者一百二十有八當頭陣法也新
都縣有彌牟鎮在棋盤市者二百五十有六下營法也南市一
名棋盤市與元志西縣亦有之則八陣圖凡四薛氏曰漢都肄

已有孫吳六十四陳竇憲勒八陳擊北軍晉馬隆又用八陣復
涼州是則武侯之前有八陣後亦未嘗亾也桓溫曰是常山蛇
勢徒妄言耳魏刁雍表采諸葛八陣李靖對太宗曰臣本亮八
陣法也孔明受封成鄉谷在南鄭縣葬定軍山在沔陽故城南
今漢中府沔縣

冥阨之塞卽鄆阨也○魏攻冥阨卽此呂覽淮南九塞其一也
定四季楚左司馬戌曰還塞大隧直轅冥阨春申君傳秦踰黽
隘之塞而攻楚楚世家楚人對項襄王曰涉鄆塞而待秦之倦
也戰國策莊辛曰穰侯受命秦王填黽塞之口而投已于黽塞
之外蘇氏殘均陵塞鄆阨均陵卽均州鄆申州羅山縣申州宋

爲信陽軍此時改州羅山其屬縣卽漢郟縣也塞郟黽竝音萌
戴氏音郟爲母杏切信陽州在漢爲平氏縣魏爲義陽後魏郟
州

入川有四棧道三谷舊志以爲一者非也○何仲默三秦記曰
自秦入蜀有三谷四道三谷者其西南曰褒谷南曰駱谷從洋
入東南曰斜谷從郿入其所從皆殊舊志謂首尾一谷非是其
棧道有四從成和階文出者爲沓中陰平道鄧艾伐蜀由之從
兩黨出者爲故道漢高帝攻陳倉由之從褒鳳出者爲今連雲
棧道漢王之南鄭由之從城固洋縣出者爲斜谷道或侯屯渭
上由之此四道三谷者關之險阨攻取所從來固矣舊志云駱

谷黨谷同一谷褒谷斜谷同一谷

馬鳴閣道利州棧道也○徐晃傳與夏侯淵拒劉備于陽平備
遣陳式等絕馬鳴閣道水經注褒水出衙嶺山逕大石門歷故
棧道下谷俗謂千梁無柱孔明與兄瑾言云前趙子龍退軍燒
壞赤嵯以北閣道緣谷一百餘里其閣梁一頭入山腹其一頭
大柱於水中今水大而急不可安柱此其窮極不可強也又曰
頃大水暴出赤崖以南橋閣悉壞時趙子龍與鄧伯苗一戍赤
嵯屯田一戍赤嵯口但得緣崖與伯苗相聞而已此卽褒斜道
一名石牛道子房燒絕者魏延先退而焚亦是道也後修路者
無復水中柱楊平關在漢中褒城縣西北與江關白水關爲三

蜀關今在寧羌州類要馬鳴閣在利州今保寧府廣平縣卽秦葭萌地輿志昭化縣有馬鳴閣劍州有劍閣棧道褒城謂之連雲棧

郿閣李翕所修西狹閣道也○漢成都太守李翕建寧五年大碑曾南豐跋辨永叔郿閣頌跋之失

西陽石陽○滿寵知吳必襲西陽西陽在黃岡縣東南石陽故城在黃陂縣西吳征江夏圍石陽不克而還劉表使黃祖于此築城鎮遏因名黃城鎮晉志魏文分汝南大弋陽郡治西陽宋之光山縣也晉爲弋陽郡治黃州黃岡永嘉後始移西陽置故郟城上流五里輿城黃記黃岡本漢西陵地故今人多稱之而

陸抗破步闡陸遜所守之西陵則今之夷陵州也蜀分南郡大宜都吳孫休分宜都大建平通典峽州楚夷陵魏或置臨江郡蜀改宜都吳黃武元年破蜀改夷陵爲西陵郟城在黃岡東南百二十里吳克郟城使陸遜以三萬人城而守之陶侃不肯分兵鎮郟城亦是一見庾亮以毛寶成之果敗

下澁戍鄧寨也○通典在隨州棗陽東南隋志漢東郡唐城縣西魏改灑西爲下澁莊四季楚除道梁澁營軍臨隨注澁水在義陽厥縣西東南入鄖水今棗陽縣屬襄陽府隨州屬德安府義陽今信陽州也通典又云襄陽三百里是魏馬圈鎮陳顯達攻圍不拔在鄧州穰縣北鄧州卽所稱沔北也楚豫連接分割

分割易混王昶言屯宛去襄三百里急不相赴遂從屯新野宋之穰縣此時仍爲新野縣屬南陽府南陽卽宛也宛平聲春秋稱申南陽今有唐縣古時唐縣大故漢兼下澆之地而今小耳唐近楚楚之重鎮在魯山魯山爲襄蔽漢之堵陽今之裕州汝州卽楚之方城也魏時重樊郡縣志襄州臨漢縣本漢鄧州古樊城也今襄陽府志古蹟現在仲山甫之國也一曰鄧塞吳陸士衡稱下江漢之卒浮鄧塞之舟是也曹操救樊駐軍摩陂摩陂在潁川郟縣宋之潁昌府郟縣也智按宋潁昌是今開封之許州而郟縣乃屬汝州

郟陽在鄧漢之間非順陽新陽也○漢中旬陽縣旬水南入沔酈商攻旬關正義曰在金州金州後漢末爲西城郡魏改魏興申儀爲太守屯洵口蘇秦所謂郟陽卽洵洵卽郟三字通徐廣以爲順陽順陽在鄧州穰縣西新野也索隱以爲新陽新陽在蔡州真陽縣西南汝寧也皆非也今漢中興安州魏之金州也楚與秦盟黃棘秦復與楚上庸正義括地志云今房州竹山縣及金州是項襄十九季割上庸漢北地予秦正義謂割金房均三州及漢水之北今漢中府之石泉縣亦漢上庸也丁度云洵水在晉陽

涂唐今滁州也○涂音滁滁州也晉瑯琊王佃出滁中卽此地吳赤烏十三季作堂邑滁塘以淹北道漢堂邑屬臨淮後漢屬

廣陵九域志真州六合縣楚之棠邑也今名瓦梁河晉咸和議
作涂塘祖約曰棄我也太元四季謝石師行師屯涂中
東陽不一○劉裕滅廣固築東陽城沈文秀守之而陷卽青州
府治東城荀羨鎮下邳 田東陽石鼈固是同名漢臨淮郡有
東陽縣是也按卽邳州今浙又有東陽縣清河郡亦有東陽縣
清河桓帝改耳陵唐之貝州宋之恩州今恩縣屬東昌府左傳
趙勝帥東陽之師以追齊是也今廣平府清河縣屬唐貝州
散關南北之界也○寶鷄南二十里爲大散關和尚原在焉山
自西來卽秦嶺一支不獨爲秦蜀之界亦中國南北之界也凡
水在嶺南者南行通名曰江水在嶺北者北行通名曰河朱子
釋河亦曰北方流水之通名

通雅卷之十四

桐山方以智密之輯著

同里姚文燮經三較訂

地輿

方域

漢之南鄭今漢中府縣是也京兆桓友封邑之鄭曰西鄭亦曰南鄭今屬華州無其名矣因鄭有圃田曰圃鄭因遷曰新鄭今屬開封之鄭州是也滎陽中牟管城則歷代分合今仍存其名為縣皆新鄭之地也○墨莊漫錄疑漢中南鄭京兆有西鄭亦曰南鄭又疑新鄭之名因穆天子傳屢書天子入于南鄭傳贊謂穆王所都第五卷祭父自圃鄭來謁瓚所謂鄭父之丘是也

智考之漢京兆有鄭縣通鑑外紀宣王二十二年封季弟友于鄭都咸林括地志在華州鄭縣西北三里其曰西鄭者以圍鄭爲東也曰南鄭者華州在鎬京之南也瓚謂鄭桓公無封京兆之文師古又曰穆王以下無西鄭之事瓚說非也此皆混于其名耳穆王出遊入必返西鄭鄭近都蓋圻內之邑也或別宮在焉應邵曰友封于西鄭其子與平王東遷更稱新鄭一統志漢中府附郭曰南鄭卽下鄭桓公没于大戎其民南奔居此因曰南鄭此皆附會之說蓋漢中自在京兆之南也鎬京稱西鄭曰南鄭乃當時都人之稱也穆王時已有圃鄭矣地名相同者多耳水經注竹書紀年晉文侯二年同王子多父伐鄆克之乃居

鄭父之丘名之曰鄭是爲桓公世紀云有熊氏之墟黃帝所都也服虔云鄭取鄆而不居其都杜預曰鄆在滎陽密縣東北新鄭在滎陽宛陵縣西南由此觀之或者桓先封華州後伐鄆而封鄭乎是未可知也爾雅曰鄭有圃田注一名原圃渙仲曰在中牟西北七里鄭州管城縣東三里管城管叔所封或疑宋時中牟管城相去僅得十里而分兩縣邪蓋謂縣距其澤邊如此耳其澤東西五十里南北二十六里西限長城東極官渡上承鄭州管城界曹家陂又益西北流爲二十四小陂小鵠大鵠小斬大斬之類此見善長所記猶有大灰小灰散嚇羊圈等名合開封府鄭州領滎陽而禹州領新鄭又別立中牟卽廣武地而

西北圃田澤在焉則分其地也今之陝西華州在唐宋皆領鄭
下邽華陰渭南蒲城五縣於鄭則曰鄭桓公所封邑有六華
灌水沉水金改全安軍以商州爲支郡所領亦與唐宋同元復
爲華州領三縣至今因之後以渭南屬西安所惟領華陰蒲城
二縣

下邽之郢如程○書序曰維周王季宅程孟子文王卒於畢郢
史記正義引周書云惟周王季宅郢郢故城在雍州咸陽縣東
周之郢邑也詩正義周書稱文王在程作程寤程典皇甫謐云
文王徙宅於程蓋謂此關駟以爲右扶風安陵是智來蒼梧見
士人稱梧州北四十里曰下邽讀之如程可知古郢字有程音

故相通也

崆峒或爲空桐空同○漢書作空同爾雅北戴斗極爲空同故
云在梁國虛城東三十里焦氏誤刊黃香九宮賦作壘洞唐地
理志在岷州溢樂縣西今西和州史記黃帝至空桐韋昭曰在
隴右正義曰筭頭山一名崆峒在原州平高縣今平涼府西卽
崆峒山有廣成子宮臨洮府亦有崆峒山括地志在肅州福祿
縣東南今肅州衛卽漢酒泉郡漢武亦于隴西登空桐水經注
獲水逕空桐澤哀二十六年宋景公遊空澤卒大尹奉公自空
桐入是也又贛州吉水汝州肇慶陽江縣皆有崆峒山
北陵雁門也○山海經雁門之山無草木雁出其間有雁門水

經注云卽北陵在高柳北高柳在代中今雁門關在太原府代州有句注雁門山

廣陵之稱揚州自隋始也○通鑑樊毅克廣陵楚子城非江都之廣陵也按魏太和中蠻帥田益宗納土于魏魏爲立東豫州治廣陵城五代志汝南郡新息縣魏置東豫州則此廣陵乃新息之廣陵也又梁武帝置楚州于汝南郡之城陽縣治楚城卽楚子城也秦氏曰凡稱揚州者東漢指歷陽或壽春或曲阿中原自魏至周指壽春或合肥江左自吳至陳指建業或會稽唐五代乃指廣陵廣陵在二漢時爲吳國江都廣陵國廣陵郡劉宋爲南兖州北齊爲東廣州後周爲吳州唐初亦爲邳州具

爲揚州自隋始也祖逖中流誓所對京口舊濶四十餘里今濶十八里合瀆渠卽吳拙之邗溝東北道射陽湖亦曰山陽濁水經注曰下邳城漢徙韓信爲楚都文穎曰秦置東陽郡今下邳晉灼曰本屬臨淮明帝分下邳後分屬廣陵故張晏曰東陽郡今廣陵也伯厚言唐韓皋誤者因皋謂廣陵散指儉誕舉事而散於廣陵也劉邠中山詩話謂揚州治壽春儉誕皆死壽春則韓皋之言誠誤矣嵇康得廣陵散於華陽亭則在密縣漢魏之揚州今壽州也○通典壽春郡後漢揚州刺史領郡六治此魏曰淮南仍揚州爲重鎮儉誕治此晉元帝永昌以豫州刺史祖約自譙還鎮於此宋義熙劉義慶又鎮此宋元初裴叔

業以城降魏後魏曰揚州梁武普通七年克之置為豫州後降魏陳太建復得壽陽為豫州隋改壽州今壽東四十里宋殷琰築四壘於此宋之安豐軍古壽春也其城築自楚考烈王徙都而經始焉

陸口蒲磯口也○魯肅曰蒙屯陸口在鄂州荊圻縣南寰宇記曰卽陸溪口也水經注練浦東合練口江浦也直南練洲江之右岸得蒲磯口卽陸口也水出于下雋縣三山溪

一合塢城宜陽也○六國表秦惠文王二年拔韓宜陽韓昭侯廿四年也秦武王四年拔宜陽城韓襄侯四年也漢屬弘農郡隋志洛州宜陽縣後魏置宜陽郡東魏置揚州後周改曰熊州

通典曰河南府福昌縣漢宜陽縣也縣城卽魏之一合塢城東南北三面峭絕天險宇文周重兵于此以備高齊水經注曰一合塢惟築一面伯厚誤作一金塢蓋黽池縣治南對金門塢水南五里舊宜陽縣治也

吳會吳郡會稽郡也○永建四年分會稽為吳郡吳志朱桓部伍吳會二郡莊子釋文云浙江為吳會分界是也後人誤以為一處非矣陸廣微曰漢順帝永建四年分吳郡會稽為兩浙淞江去水乃以名郡○松江本緣淞江得名其地下每有水災乃去水而作郡吳淞江今吳江寶帶橋一路是也亦名松陵眉州有江亦名松江卽蜀江分派過州城與醴泉江合

教山教水卽嶠也三嶠又名嶽崙山○在河南汝寧縣北三十
八里自東嶠至西嶠三十五里輿地廣記嶠連入硤石畧所謂
南陵夏后墓北陵文王避風雨者也晉敗秦于散陝州石壕鎮
本散縣役魏改硤石汜水縣又有古散關其名同也山海經教
山教水卽散字成山關水卽涿字

蛾眉謂其似也○陸文裕曰蛾眉本以兩山相對如蛾眉故名
字當從虫今分三峨眉又汀州歸化縣邵武秦寧縣廣西太平府
汝州皆有蛾眉山而東西梁山名蛾眉亦以宋石望之似也字
書加艸加木加邑加山者多矣

荆楚十通稱曰荆舒舒古屬楚○春秋莊十年書荆僖元年始

書楚孔氏曰殷武荆楚並言之楚之稱荆从矣熊繹在荆山後
居郢卽荆州以其居荆故稱荆荆楚于字義亦一物也舒有群
舒舒鳩舒蓼舒庸之屬今有舒城其遺也舒鳩今無爲州巢縣
舒蓼在安豐今之六安也舒庸以爲東方國謂之群舒皆偃姓
皋陶後又有龍舒地理志在廬江縣西今爲敝邑桐城唐稱舒
州總言皖郡也

楚伐吳至衡山今之橫山也○楚伐吳克鳩茲至于衡山鳩茲
今蕪湖非衡山明矣然橫山亦不一南京溧水之南鄉有橫山
廣德有橫山松江有橫山湖州有橫山顏魯公吳興地記烏程
縣境有顓頊冢圖經云晉初衡山見顓頊冢有營止圖言衡山

卽楚伐吳克丘茲之衡山也今曰橫山顓頊都帝丘分濮陽大名豈有冢在此豈舜葬蒼桐禹葬會稽之事乎烏程又有杼山言夏杼巡狩至此杼夏七世主也禹會會稽杼自之此安知南方非舜禹所牧而高周復棄之耶

魯口夏口也沙羨也晉以武昌名郡通典所謂鄂州也庾亮南樓正在此而伯厚以爲在武昌縣則沿舊說也○春秋曰夏汭自後漢末曰夏口亦名魯口吳錄黃祖爲江夏太守始于沙羨音夷置屯山簡自襄奔夏口庾翼爲荊州治夏口劉毅以爲夏口二州之中請劉道規鎮之六年自臨鄣徙鎮夏口城據黃鵠磯晉地理志沙羨夏口對沔口吳黃武二年城沙羨通典曰卽鄂

州劉表傳注夏口卽鄂宋武平義宜分爲鄂州鎮夏口隋復爲鄂州夏本江之沱自江陵東南流東過華容雲杜入沔謂之賸口冬竭夏流總合襄漢至魯山東入岷江曰沔口今曰漢口江南卽江夏黃鶴樓今武昌府治也沙羨宋之鄂州而武昌縣爲故東鄂晉有鄂縣是也伯厚因此遂曰庾亮南樓非鄂也豈孫吳已城沙羨而庾鎮尚不居要地耶凡都督必居形勝之地一語可斷唐武德中以此地稱武昌軍節度而晉書庾翼爲荊州治夏口自黃祖屯此知爲兵衝要地豈建反取山僻邑耶前人注解牽泥舊名而攷究家承之實不然也

劉錡順昌之捷今之潁州也○宋趙彥衛曰一州四名如會稽

郡名越州名紹興府名鎮東軍額一州三名如吳郡名蘇州又
名平江有交互難別者如潁州曰順昌府許州曰潁府之類。
晉新亭非吳新亭今之新亭非晉新亭矣。宋時建康新亭在
朱雀航西五里俗名鵝頂程大昌謂晉之新亭在長干寺南不
當在鵝頂按晉劉氏世說吳新亭舊基已淪陸安中司馬恢徙
創今地安知此地不又徙乎今則並非王導正色之地矣丹陽
記有三亭司馬恢一亭太元中謝石創征虜亭三吳縉紳創治
亭

舊名北苑茶今作北源。丁晉公有北苑茶錄三卷世多指建
州茶焙爲北苑故姚寬叢語謂建州龍焙面北遂謂之北苑此
說非也季氏都建鄴其苑在北故得稱北苑水心有清輝殿張
治爲清輝殿學士別置一殿于內謂之澄心堂故李氏有澄心
堂紙其曰北苑茶者是猶澄心堂紙耳今則徽州松蘿以北源
名

中潭河陽之中城也。○河陽三城南城在河陽縣西卽孟津亦
曰富平津中潭城東魏元象元年蔡唐李光弼守此禦史思明
方勺曰河陽中城曰中潭黃河西派貫三城之間潭音誕爾雅
曰沙出也江東呼水沙堆爲潭越人以川流淺急處爲潭潭灘
寔一字皆他丹切說文曰難水濡而乾也引詩灘其乾矣孫氏
呼旱切竟作曠字楞嚴經乾爲州潭音此方人據字書而抄其

音釋耳智曰夫非房融筆受耶

二州之地以東萊爲確然成周謂之總名有之○鞏洛今河南鞏縣洛陽縣也二周歲烈王之後西周河南也曰王城東周洛陽也曰成周徐廣曰東周比亡之時凡七縣河南洛陽穀城平陰偃師鞏緱氏自考王封其弟揭于河南以鞏周公之職是爲河南桓公在陽城故地威烈王嗣位西周惠公封其少子班於鞏以奉王寔東周惠公此東西周分之始也按左傳昭二十六年晉師克鞏周紀惠公封其子于鞏東周王所居洛陽也鞏班之采邑也馬貴與亦載鞏爲東周所居誤矣顯王二年趙與韓分周爲二顯王雖在東周特建空名于上耳周本紀云赧王時

東西周分治非也赧王特徙郡西周耳呂東萊大事記曰西周河南卽夾鄆武王遷九鼎周公營以爲都曰王城東周洛陽周公所營下都以遷頑民是爲成周鮑彪注國策卽以赧王爲西周君爲正統此誤也邵子經世亦誤公羊傳曰王城者何西周也成周者何東周也昭二十六年天王八成周三十二年城成周蓋敬王定遷在旣城之後而孫莘老故康侯皆以成周卽京師亦未考王城成周之實而誤合爲一也智按續漢志河南縣周公所城雒邑也春秋時謂之王城東城門名鼎門北城門名乾祭豈非因郊鄆定鼎而名乎帝王世紀曰河南城西有郊鄆陷在漢時河南郡有雒陽縣成周也有河南縣郊鄆王城也卜

澗水東瀍水西平王居之今苑內故王城是也又卜瀍水東是
爲成周今河南府故洛城是也地道記曰王城去雒城四十里
今之河南府有洛陽故城在府城之東洛水之北卽成周自東
漢西晉後魏皆都之新安縣則爲春秋時西周地伯厚曰洛水
之北亦有鼎中觀成周有狄泉在城中據通典則狄泉在洛陽
城東三十餘里呂氏又曰洛陽雖有二城而成周則其總名杜
預孔穎達皆以下都爲成周謂敬王避子朝之亂自王城徙都
之其說非一端也升菴再引之而智謂總名亦有其理

華亭在密縣○史記秦昭王三十二年白起攻魏拔華陽走芒
卯斬首十五萬司馬彪曰華陽亭名在密縣稽叔夜常採藥于

山澤學琴于古人卽此亭非松江之華亭縣也唐李茂貞於隴
州廢華亭縣以縣爲州治宋改儀州後廢州以縣屬渭州

桐丘城在許○洧水又東南逕桐丘城春秋左傳莊公二十八
年楚伐鄭鄭人將奔桐丘卽此城也杜預曰在潁州許昌城東
北又兗州路有桐城驛敞邑之名桐城則自唐始徐鉉稽神錄
言舒州桐城縣雙港有風吹錢過市事又言僧德材至桐城永
叔傳梅聖俞曾歷桐城主簿馬總曰咸通中孔威刺舒進龍骨
云桐善政鄉龍鬪死今志未載

芡驄卽文驄具茨山也○水經溟水出河南密縣大驄山注云
卽具茨黃帝登具茨升洪堤受神芝圖于黃蓋童子史伯答桓

公曰如前莘後濁左洛右濟主丕驄而滑洧鄭語作主芣驄而食溱洧韋昭曰芣驄山在密縣

田悅改魏州曰大名而大名之魏在蒲州○畢萬曰大名之魏在今之蒲州宋之永樂縣也而唐魏州乃曰大名今號大名府五代以大名爲鄴都李氏得之改其府曰興唐石氏得之改其府曰廣晉而其軍曰天雄魏之故魏州也田悅改大名見國都下

秦亭卽街亭○馬謖與張郃戰于街亭今在靈昌府秦州所謂秦亭卽街亭也以爲在南鄭卽誤矣秦州古成紀地漢天水也蒙茶在蜀非山東之蒙也○諺云蒙山頂上茶乃今雅州之蒙

山唐李德裕入蜀得蒙餅沃於湯餅移時盡化而兖州費縣之蒙山亦載蒙頂茶青州蒙陰之蒙山亦載其巔產茶乃艸藥也爨曰禹貢蔡蒙一云蒙在雲南蔡沉云同在雅誤

齊桓葵丘在考城非青州之葵丘也○齊桓會諸侯之葵丘據括地志在曹州者城縣東南一里考城今屬歸德府矣非青州臨淄之葵丘也說文作郟丘又有郟地在臨淄漢祭后土處管子輕重丁篇有崢丘注卽葵丘

濮路霍瑯琊不一○伊尹爲四方獻令正南百濮鄭語楚蚘冒始啟濮通典有尾濮木綿濮爾雅南至于濮鉛不獨大名之濮陽也南中志談藁縣有濮獠又有閩濮水經注異水逕長杜南

濮北濮水出焉衛靈聞靡靡之樂於此澳陽有鮑丘水又名潞水檀州密雲縣有潞水自塞外流入今通州有通路亭非獨山西之路安也滁州全椒有瑯琊山瑯琊谿青州府諸城有瑯琊山始皇常留此三月卽勾踐觀臺也尚有瑯琊城漢瑯琊郡治此職方冀州山鎮謂之霍大山在晉州霍邑東北三十里今之霍州又潛山縣天柱峯名霍山漢武所望封廬州又有霍山縣輿地記以鳳陽府之霍丘縣爲周霍叔所封則稱平陽之霍州爲霍叔者必有一誤矣

熊耳今兩省非有二也○洱記曰熊耳山在商州上洛縣南四十里高州今屬西安府其洛南縣卽漢上洛也禹導洛自熊耳

則在號州盧氏縣界盧氏今屬河南府之陝州輿地記曰兩峯若能耳卽達磨葬處是有兩熊耳矣智按熊耳在陝西河南之界輿地于商州熊耳載伊水所出而伊水出盧氏閼頰嶺經洛陽入洛可徵矣水經注曰宜陽有熊耳山雙巒舉光武破赤眉樊宗積甲仗與熊耳山齊齊桓登熊耳望江漢極目也山際有池世謂之鼃池均水出析縣北山卽熊耳之枝

章華乾谿有數處皆謠傳也○筆談曰天下地名錯亂訛率難考信如楚章華臺亳州城父縣陳州商水縣荊州江陵長林監利縣皆有之乾谿亦有數處據左傳楚靈王七年成章華之臺與諸侯落之杜預注章華臺在華容城中華容卽今陰利縣

非岳州之華容也至今有章華故臺在縣郭中與杜預之說相符亳州城父縣有乾谿其側亦有章華臺故其臺下往往得人骨云楚靈王戰死於此高水縣章華之側亦有乾谿薛琮注張衡東京賦別左氏傳乃云楚子成章華之臺子乾谿皆言說也左傳實此文章華與乾谿元非一處楚靈王二十二年王狩于州來使蕩侯潘子司督囂尹午陸尹喜帥師圍徐以懼吳王次于乾谿此則城父之乾谿靈王八年許遷于夷者乃此地十二年公子比為亂使觀從從師于乾谿王眾潰靈王亡不知所左平王卽位殺囚衣之王服而流諸漢乃取葬之以靖國人而訃以乾谿靈王實縊于芊他年巾亥以王柩告乃改葬之而非死于

乾谿也昭王二十七年吳伐陳王帥師救陳次于城父將戰王卒于城父而春秋又云殺其君于乾谿則後世謂靈王實死于是理不足怪也

成陽與城陽自別○黃長睿曰永叔集古錄靈臺碑以為史記地志水經諸書皆無堯母塋處予按漢章帝紀注述征記咸陽縣東南有堯母慶都墓又按水經注今成陽城西二里有堯陵陵南一里有堯母慶都陵集古又云俗本多作城陽獨此碑為成陽予攷成陽與城陽自別成陽縣屬濟陰城陽乃漢齊悼惠王之子章所封之國名集古又云廷尉某姓名摩城子按廷尉仲定碑云遷廷尉卿託病乞歸修堯靈臺畫屋三十餘而靈臺

碑中有云濟陰太守成陽令各遣大掾輔助仲君故知仲定無疑

傳險傳說所隱窟也○地理志得險即說所隱之窟各升菴曰險古巖字聖人窟今在陝州

秦垆即太行山○升菴曰湯歸至千秦卷陶宗隱曰鄒誕生卷作垆則卷當作垆與尚書同非衍字也慎按秦垆即太行行元有此音列子作太形山海經五行之山按行有刈音則與垆吾近耳

汲黯卧治之淮陽在陳州非淮安也淮安淮陰也○漢高夷彭越分梁地爲二國立子怍爲梁王子友爲淮陽王文四年徙代王武爲淮陽王通典漢淮陽郡故城在陳州宛丘縣西南汲黯卧治此也後魏尉元曰先定不邳平宿豫鎮淮陽城東安則青冀諸鎮可不攻而克輿地廣記曰淮陽縣在泗陽之間有淮陽城梁置淮陽郡而隋廢之唐貞觀省入下邳水經注淮陽城北臨泗水宋爲淮陽軍今淮安府漢屬臨淮郡曰淮陰晉曰山陽唐宋之楚州也祖逖屯淮陰劉隗鎮守即此○南齊志永和中荀羨云淮陰地形都要水陸要衝故立城池寰宇記故淮陰縣城在山陽縣宋陳敏曰楚州爲南北襟喉長淮二十餘里河道通北方者五淮汴渦潁蔡是也其通南爲楚州運河一處周世宗自北神堰鑿老鸛河通戰艦入大江而南唐遂失淮南之地

劉季裴曰謝玄八千人當苻堅九十萬揚行密清口三萬人當朱全忠八州之師則扼淮之力也薛氏曰自孫氏作涂中東興塘鄧艾築石鼈以營田在寶應西荀羨填下邳屯田于東陽之石鼈南唐瓦梁堰障蔽長江南唐修東西瓦梁城皆為扼淮之助其曰角城者晉義熙中立大寧中劉遐退泗口即其地蓋淮泗之會也今屬宿遷縣

中牟有二○一在河南一在河北能改齊漫錄辨之

呂梁有三○莊子呂梁在呂梁縣南泗水上有石梁司馬彪曰呂梁在離石縣南水經注浦水出善無縣歷呂梁之山為呂梁洪今呂梁在徐州下百二十里

三河○唐堯都河東殷都河內周都河南故稱三河升菴曰黃河析支河湟河亦稱三河唐詩曰天子三河募少年

三楚○淮北沛陳汝南二郡此西楚也彭城以東東海吳廣陵此東楚也衡山九江江南豫章長沙此南楚也或曰楚文王都郢楚昭王都郢楚考烈王都壽春故曰三楚

三秦○項羽三分關中地封章邯雍王司馬卬塞王董翳翟王故稱三秦

三吳○圖經云漢分會稽為吳與吳興丹陽為三吳通典同水經以吳興吳郡會稽為三吳指掌圖以蘇常湖為三吳其說不同七修稿云春秋之吳都蘇常之間漢持之吳都會稽即蘇常嘉抗非

紹興之三國之吳初為會稽太守封吳侯即蘓松常鎮備記之
會稽也三梁三齊三蔡○謂南梁大梁少梁齊及濟北膠東新蔡上蔡
下蔡

三關不一○陽平江關白水乃蜀漢三關也平靖政陽黃山郡
縣志載義陽三關也晉秦始割南陽置義陽郡上黨壺口石陘
馮衍傳上黨三關也益津關在霸州瓦橋關在雄州淤口關在
信安軍此周世宗所取三關也偏頭倒馬紫荆山西之三關也
五嶺不一○張耳傳秦南有五嶺之戍師古曰西自衡山南東
窮海一山之限耳而別標五者裴淵廣州記曰大庾始安臨賀
桂陽揭陽是為五嶺鄧德明南康記曰大庾一桂陽騎田二九

真都龐音龍三臨賀萌渚四始安越城五輿地記一曰臺嶺一曰
塞上即大庾也二曰騎田三曰都龍四曰萌渚五曰越嶺按九
真太遠當以裴說為是伯厚曰騎田即彬州臘嶺都龐即道州
永明嶺吐借即道州白芒嶺則道州有二可疑也廣川書跋唐
李侗為衡州刺史言衡陽為五嶺門廣川辨之以裴潛所說為
是蓋或又一五嶺也

有崑崙有小崑崙有崑崙塞有崑崙丘○禹本記崑崙高二千
五百餘里山海經內崑崙虛帝之下都方八百里而有九折五
門郭璞曰此自別有小崑崙也淮南子曰崑崙虛中有增城九
重水朱珠樹玉樹瑄樹不死樹十洲記之崑陵即崑崙故曰有

玉角神異經云崑崙有銅柱因河圖天柱說也張騫渡西海至
大秦烏遲國復有西海海濱有小崑崙高萬仞方八百里永平
竇固出燉煌崑崙塞擊破白水軍於蒲類海上章懷太子注謂
崑崙山名因以為塞在今肅州酒泉縣西南周穆王見西王母
於此山有石室博物志引河圖括地象曰崑崙廣萬里泉南流
入中國曰河八十城布繞之中國君一分是姦城也今南寧府
泉州永春縣皆有崑崙山梧州陸川縣有崑崙水爨曰崑崙言
其形渾淪高大不可測也地珠為五大州環海包之每州必有
中高崑崙亞細亞之中高也故其水皆分面而趨
九山九川九州之山川也○此禹貢九山刊旅九川滌源注極

是史記正義以沂壺口砥柱太行西頃熊耳嶧冢內方汶為九
山此攷即索隱曰沂壺口砥柱太行西頃熊耳嶧冢內方岐是
九山也古分為三條故地理志有南北條之荆山焉馬融王肅
皆因之鄭玄以為四列一行以為兩戒索隱之言則以弱黑河
濊江沈淮渭雒為九濊即漾漾即西漢也呂氏春秋九山會嵒
太山王屋首山太華岐山太行羊腸孟門鄭玄曰州縣之設有
時而更山川之形千古不易所以禹貢分州必以山川定經界
使兖州可移而濟河之兖不可移使梁州可遷而華陽之黑水
梁州不可遷後之為史者主為州縣移易而其書廢矣
徑言徑也峴言嶮也太行八徑兩路入燕○謝康樂詩若遞涉

徑峴音刑顯

徑為徑之平聲峴為嶮之外聲青州襄陽以峴著太

行以徑著山海有少徑山御覽謂在滎陽齊桓伐楚次于徑楚

世家魏取徑山蘇秦于韓曰南有徑山于楚曰北有徑塞楚子

治兵于汾注在襄城智按屬汝州所謂汾徑之塞在汝真二州

非山西之汾徑也太行八徑專在北方呂覽注南皆云大汾澗

阨荆阮方城散阪并徑令疵句注居庸為九塞元和郡縣志太

行山首起河內北至幽州凡有八徑軹徑太行徑白徑徑在河

內滄口徑在鄴西并陞飛狐徑真蒲陰徑保定紫荆在中山軍都徑

昌平居庸在幽州鎮州獲鹿縣并徑關曰土門太行第五徑也第四

滄口徑對鄴西滄水燕慕容垂出滄口入天井關唐李光弼出

土門破史思明軍韓信擊趙東下并徑今真定有并徑縣獲鹿

與太原府平定州皆有并徑關水經注所云長嶺通道即鉏徑

也穆傳之鉏隊三陞也代州靈丘縣西北有石銘題冀州北界

號石銘徑愚者曰紫荆北口浮圖峪為飛狐軍都徑即居庸此

二徑為燕背腋李存勗命周德威出飛狐入幽執劉守光父子

同光三年阿保機從居庸圍幽州唐主遣李嗣源救德威宣和

四年金阿骨打從居庸入燕嘉定四年鐵木真克宣府懷來金

保居庸乃留兵拒守而大兵趨紫荆入拔易涿反自南攻破居

庸而卒入燕此其勢也

率山即三天子都今之張公山也○朱大同曰徽之張公山即

率山在黔續問智考之在今休寧婺源間汪南溟辨證甚詳晰
吳澄地理表曰率山乃江南諸山之祖山海經所云三天子都
實彭浙兩源乃漸然知是張公山而以昔所謂黟山率山大鄣
者本一山也名上尚有三天子都刻字水經曰漸江出三天子
都廬江出三天子都都一作勒水流彭蠡又流漸卽浙也堪輿
承訛言廬山出天子地卽以彤家論彭湖之水過宮反皆矣
芝嶽太和山也○卽武當也今日太和山玄帝之先淨樂國王
治處今均州也有柳梅祠玄帝曾折梅寄柳曰道成當結實後
果然舊為武當縣西山如負宸惟玄武足以當之其宮制視漢
未央宮宋諱玄稱真武

闕里因石闕而名○曲阜志西南三里有雙石闕卽靈光之南
闕也按今兗州府有靈光殿有闕里云魯共王壞孔子宅處
儀封屬開封○類考云開封蘭陽有儀城卽封人見孔子處智
按今開封屬有儀封縣蘭陽縣孔子初失位去魯適衛北自夷
儀入後又自蔡反衛南自石門入

互鄉今在睢州○互鄉名古廡里王元咎云鹿邑之外有互鄉
城

始興之鼻天子冢非象庠也○有鼻卽有庠零陵縣有有鼻墟
一統志始興鼻天子冢有人掘得銅人無數三代以前豈有銅
人殉葬之事必非象也羅長源作路史乃以始興鼻天子冢為

象犀張東筦云舜墓是商均所葬益固山海經蒼梧舜與叔均之所葬也

比景當是比景○漢日南郡有比景縣晉亦如之隋平林邑立比景郡唐於驩州南境僑立景州比景縣非平北景也貴與曰比音芘蔭之芘按古曰比戶謂開北戶以向日唐萬年縣尉啟公路文昌之孫作北戶錄是也太平御覽曰交州去路九千餘里孫棟云立表效景景在表南其古郡以日南為名其斯義子又有比景縣比北二字相似據此則應是比景周禮大司徒土圭正日景有南景北景之說當時或以此名然自漢以來傳說作比矣

木葉城在三衛○徐文長記木葉城在遼東余于遼史始見有此名今說詩者以浣雲卿九月寒砧催木葉之句為地名以對遼陽則合掌癡極毫無風致矣智考木葉城在薊州外馬蘭諸山今三衛地文長以為在遼東亦非

花門堡在甘州○吳曾曰杜子美好言花門按唐志甘州有花門山堡東北千里至回鶻衛帳故有留花門詩一首又云花門幣面請雪耻又云聞道花門將論功未肯歸云聞道花門破和親事却非揚巨源亦有送太和公主和番詩云蘆井尋沙到花門度磧看薰風一萬里來處是長安岑參送封常清西征叙曰天寶中朔方回紇寇邊踰花門

三驍卽三苗○在堯時爲譚地在今日則爲中國乃湖廣江鄂
嶽之三州故今三州人尚有苗姓升菴引國名記三苗作三驍
朱子曰三苗當作猫與狢狢獠爲四種溪峒之民說苑曰舜時
有苗不服者大山在其南殿山在其北左洞庭之波不吉象蟲之
川以此言之則當是衡州長沙之東袁州之西一帶今不知曾
有苗種之遺種而五溪蠻乃在辰州黑白苗乃在沅州麻陽之
左古賢慶武罔新寧所在有獠其說苑臆耶或古今變異耶三
危陳氏引韻注說文作出古文尚書作𠄎或作峴變曰舜所竄
止子三苗之君故其種類仍居湖北也
廣有蝨尸○南海記蜒蠻以舟爲室蜒有三一爲魚蜒善舉網

二爲蠟蜒善沒海三爲木蜒善伐材木今廣東有蛋戶音旦字
書本作蝨蜒仍音延常璩巴志曰涪陵郡諸縣北有獠蝨劉宋
時廣州刺史羊希使劉思道伐俚李延壽曰其流曰蝨曰獠曰
俚曰獠曰𧈧音夷今則粵西有獠有獠瓊州之蠻曰獠
人沅靖貴州之蠻通謂之苗麻陽蠻有狢狢或曰狢音獠狢狢
狢音出又俚別種

盤瓠五溪蠻也本于白犬故附會高辛嫁女之記○豎瓜蠻誓
狀云某等旣克山職今當鈐束男姪男行持棒女行把麻任從
出入不得生事上有太陰下有地宿其翻背者生兒成驢生女
成猪舉家滅絕不得翻面說好背而說惡不得偷寒送煖上山

同路下水同船男兒帶刀同一邊一點一齊同殺盜賊不用此
款者並依山例山例者蠻言誅殺也具載范文穆公桂海虞衡
志陸文裕又載南詔乞書藥文習天子之言便有犛風附詩亦
是唐律今辰州地卽古五溪蠻長源引伯益經山下曰白犬
爲蠻人之祖乃人名也後遂云高辛之犬御犬戎吳將軍首以
少女妻之生六男六女風俗通載之然高昌之祖牝狼負人劉
宋元嘉婢爲狗婦何訝古事但定高辛以女嫁之則荒唐吳蠻
溪叢笑多言彼中風俗今山海經作弄明生白犬

苴苴城雲南迤邐義之地也○薛能聞官軍破吉浪詩越雋通
遊客苴苴鬧聚蚊人西縣詩野色生肥芋鄉儀搗散茶掃航經
杜宇烽火徹苴苴則苴爲迷麻反唐書李晟曲環救蜀合擊吐
蕃南詔破之異年尋懼築苴苴城今雲南大理府一統志以爲
苴地

龍戶驪家馬人馬流也○卮言曰韓退之詩衙時龍戶集上日
馬人來吳垌云長安有龍戶見水卽知有龍或引出但如鯁魚
按此是潮州時上廣帥作非長安也馬人演氣露別昆奢利王
時有如馬裸露王分身爲蠶被乃得衣馬人成恐作也按俞
益期牋云馬文淵立銅柱岸北有遺兵居壽冷岸南對銅柱悉
姓馬號曰馬雷又記一小說龍戶柱儋耳其人目睛皆青碧八
水能伏一二日蓋卽所謂崑崙奴也什菴則以象奴爲崑崙奴

智按今方隅勝略自有龍家馬人二種龍家爲驪氏之後其種
有四馬人散處南海當是馬流耳俞益期本作馬流段成式作
馬留驪當是駮駮古與龍通音如交州都麗音龍可証故駮家
轉而爲驪家又轉而爲龍家耳

者樂甸本馬龍他卽甸猛摩之地○雲南有者樂甸長官司或
曰此亦名龍戶然則退之與馬人並舉者乃龍戶之在嶺粵者
而此亦其類也

苑伽天堂河也○大藏西城記云阿耨達地狂香山南大雪北
周八百里東南流入海者曰苑伽河西南流入海者曰縛芻河
西北流入海者曰徒多河又潛流地下出積石山東北流入海

者爲中國之河源阿耨達華言無煩惱似指所謂星宿海者苑
伽華言大堂縛芻華言清徒多華言冷苑渠京切字書苑苑欲
死也不知譯者何獨借此字

林邑古越裳而老撾亦古越裳地也○雲南有老撾宣尉司俗
呼撾家通交趾暹羅入海

狼脰裸國也○水經注九真水度淮北岸有橋卽彭龍區粟之
通達檀和之大戰東橋處也水又逕船宮出餘良外衆皆
裸身以竹筒樹葉掩形名狼脰惟依冥夜與人交市闇中龔金
皆知好惡

離耳卽儋耳也○山海經曰離耳離題在爵水南林邑記九郡

有僂耳民徒跣耳廣垂以爲飾以黑爲美離騷所謂玄國然則
僂耳卽離耳也淮南言耽耳在其北方則南北皆有此名今僂
州屬瓊州府

九彙在徐州莒魯之間○劉敞說也馮厚齋以朝奠言九種
非也或曰孔子喜郊子與程本

李白書禹穴在蜀○丹鉛曰史遷言上會務總英越也探禹穴
言巴蜀也後人誤解禹穴在會稽按禹生蜀石泉縣古碑禹穴
李白所書也古人文不重複如雲土慶作又括江南北千里蔡
蒙旅平蔡在雅州蒙在雲南亦括千餘里智按禹穴竒在委宛
書耳廬山禹刻亦云石穴凡禹到皆名之

十四卷終

通雅卷之十五

桐山方以智密之輯著

同里姚文燮經三較訂

地輿水注

論江之源別出吐蕃非止岷山也○江出岷山在今茂州汶山
縣發源不一而濫觴甚微及聞雲南志則謂金沙江之源出於
吐蕃之犁石南流漸廣至于咸定之金沙江在麗江傷慶又
東過四川之會川建昌等衛以達於馬湖敘南然後合于岷江
緬甸宣慰司志謂金沙江闊五里餘緬特以爲險遠近大小言
之江源出于吐蕃犁石卽崑崙之南河出朶耳思卽崑崙之西

可畫守積石岷山已卯

禹貢九江為洞庭三江為漢岷彭○胡秘監旦晁詹事說之皆以九江為洞庭而鄭樵獨謂東匯澤為彭蠡東為北江入于海十三字為衍文朱子取之古九江郡乃在江之會之言味別之說洲別之說皆支經九例曰考之過九江至于東陵者言導岷水而是水之橫截于洞庭之口以至東陵也是漢水過三澨之例也過九江至于敷淺原言導岷陽之水而導山之人至于衡山之麓遂越洞庭之尾東取小路至敷淺原也是導岷岐荆山而途于河以盡常山碣石之例也漢志豫章領縣十八彭蠡縣下注云禹貢彭蠡澤在江西餘則言水入湖漢者八

大江者一而湖漢一水則又自雩都東至彭澤八行十九百里山海經曰八江彭澤兩者本謂逕彭蠡縣之西而入江也語意不明耳漢志不知湖漢之即為彭蠡又不知大江者亦濬于彭蠡又不知湖漢之為湖則皆承禹貢之衍疑而弗深考也智按導漾漢導江二條合觀之過九江至于東陵東匯北會為匯東為中江入于海則前條之北江豈衍乎禹治水詳于泛瀾之處而南方為略從揚子言三江則漾漢為北江江為中江蠡為南不言南互見之矣胡晁九江指洞庭是而九江郡名即下流以稱之也匯言其合處也蕭該言彭蠡古作彭麗又按彭蠡一名宮亭九江三江別許于下

考河源者莫詳於元○河源出吐蕃甘思泉百餘泓淖弱不勝物從高視之燦若列星曰星宿海譯言火敦腦兒海也羣流匯二巨澤譯言阿刺腦兒也東行一日成川名赤賓河又行與亦里水合又與忽蘭水也里木水合始曰黃河水又一二日程為九度河水八九股可度也又四五日程水始渾濁土人抱草囊或乘馬過之亦有象舟傳革以濟繼是東以兩山廣一二里深叵測矣又曰朶甘思東北鄙有大山積雪不消所謂崑崙也自九度至崑崙約計二十日程河行崑崙南半日程又四五日程至闊郎及闊提二地相屬又三日程始至哈刺別里赤兒崑崙之西人跡簡少多處山南又行五六日合於黃河與九

兒馬朶二水轉崑崙北二日程少東又北流半月程至貴德州州隸河州元所置吐蕃宣慰司也又四五日程始至禹貢所謂積石又五日程至河州安鄉關又一日程至打羅坑東北行一日合洮河水又一日至蘭州過北卜渡至鳴河州過應吉里州正東行至寧夏南又東行即東勝也世言黃河九折彼地有二折蓋乞兒馬朶及貴德州必赤里也張騫曰河有兩源一出于嶺一出子慈嶺唐薛元鼎使吐蕃得河源于嶺○黎山元太祖過九度渡托崑崙西南憲宗命第旭烈祇西域拓地四萬里而河源在域內至元庚辰世祖命詔討使都寔律通互市曰河州行五千里抵河源還圖以聞又使其第闊闊出闊闊回授學士

潘昂霄撰述而臨川朱思本于八里吉家得帝師所藏梵字圖書譯之

九河以近碣石者為是○舊曰馬頰卽馬篤河從駭卽徒河在濟南境而胡蘇河簡河潔河皆在滄州漢得其一唐仁其六歐陽志輿地記又得其一皆似是而非班固以滹沱為徒駭謬矣鄭氏乃曰齊桓塞九為一蔡九峰非之酈善長曰九河碣石苞渝于海程子宗之今碣石在海中去岸五百餘里則今之言九河故道者空穿鑿矣

滎汴濟渠也○豫州之川滎音滎雒滎陽滎澤是也滎澤與濟隧合出河之濟卽陰清之上原也康成曰今為平地滎陽氏猶謂

其地為滎澤鄭州圖經敖山在縣北滎陽在縣北四里酈道元曰濟水於此又兼邲春秋宣十三年晉楚戰于邲卽是水也戴恂曰邲音下則卽汴水矣又作汴京相璠曰濟自敖山北溢為滎潞而後泄遂為汴水卽禹貢道濟所謂東出于陶丘北而漢書地理志注所謂狼湯渠首受沛東南至陳入潁過郡四行七百八十里者是也後世滎既不潞又汴在戰國謂之鴻溝馬遷史記謂之滎陽漕渠漢書謂之狼湯渠漢建武中張邑修之謂之濟渠永平中王昊治之謂之浚儀渠酈道元謂之陰溝故名實遂難曉耳南豐會氏曰昔禹於滎澤下分大河為陰溝出之淮泗至浚儀西北復分二渠其後或曰鴻溝始皇疏之以灌魏

郡者是也或曰浪客渠自滎陽五池口注鴻溝者是也或曰浚儀渠漢明帝時循河流故瀆作渠渠成注浚儀者是也或曰石門渠靈帝時於敖城西北累石為門以遏渠口者是也石門渠東合濟水與河渠東注至敖山之北而兼卞水東滎陽之北而旃然之水東流入汴滎陽之西有廣武二城汴水自二城間小澗中東流而出濟水至此乃絕桓温將通之而不果者晉太和之中也劉裕浚之始有湍流奔注而岸善墮塞裕更疏鑿以漕運義熙之間也皇甫謐發河南下夫百萬開之起滎澤入淮千有餘里更名之曰通濟渠者隋大業之初也裴耀卿言江南祖船自淮西北泝鴻溝轉相輸紉于河陰言嘉禾倉等倉九

三季運米七百萬石者唐開元之際也後世因其利焉太宗嘗命張伯論著其興廢漕運之本末如此宋至道之間也蘇氏曰自淮泗入河必道于汴世謂隋煬帝始通汴入泗禹時無此水道以疑禹貢之言此特人不攷耳禹貢九州皆記入河水道而淮泗獨不能入河帝都所托理不應爾意其必闕此道以通之晉王濬代吳杜預與之書曰自江入淮逾於泗汴汴河而上振旅還都以濬舟師可知汴水大小非隋煬開也陳後山曰漢末河入汜永平道至千乘入海而河之故瀆托新渠之南水經注所謂絕河而受索自此始隋因漢舊大業合河索為通濟渠入淮而故道竭今於畿為白溝於宋為沙於單為石梁於徐為

汴而八於南清南清故泗也說文滎為小水無所見別作滎滎
滎滎滎

沈沛即兗濟滎亦沈也○沈即兗濟亦作沛漢地理志河惟
兗州是也水經注俗呼為衍水山海經曰王屋山之水出焉
漢書曰王屋之山沈水出焉李濂曰滎沈聲近也沈發源王屋
山頂厓下既見而伏東出於孟州濟原縣有東西二源合流至
溫縣是為濟水歷虢公臺西南入於河溢而出河之南為滎即
滎波也又東出千陶立北在定陶縣又東至千苟又東北至
壽張縣安民亭合汶水至今青州博興縣入海酈道元謂濟水
當王莽之世川瀆枯竭其後水流逕通津渠勢改尋滎水不

與晉同然則滎澤濟河雖枯而濟水未嘗絕流也程氏曰濟入
河適會河滿溢出南岸溢者非濟水因濟而溢故禹還以原
名命之此解溢字亦通然河濁而滎清非河之溢明甚溢蓋指
滎而言非指河也先儒皆以濟水性下勁疾故能入河穴地流
注顯伏許慎引禹貢浮于淮泗達于荷音柯焦弱侯主此說南
豐曾氏曰泰山北與齊東南諸谷水匯於黑水灣又匯於柏崖
灣至渴馬厓下則泊然而止又至歷城西五一一有泉湧出曰
趵突泉人謂有彘隸千里水灣者而見之于此蓋自渴馬之厓
潛流地中而至此復出也其注而北則謂之灤水達于清河以
入于海舟之通于濟者皆于是于達也齊多甘泉其顯名者十

數而色味皆同蓋樂水之旁出者也東河井亦濟所經故膠能
下而用攪濁水則清是濟之伏流乃物性程氏非之顧弗深考
耳南北清河皆古濟流也會泗注淮者濟之至荷而分者也東
北兼汶與同入海者濟之正派也今濁河之行濟北濟自
青州博興縣一百七十里至濱州入海增多漢百七十里空禹
迹之難考也荷澤枉定陶東北曹州圖志濟陰南三里有荷水
俗謂五丈河今名廣濟河說文以涕為沈濟而別載濟為出常
山郡贊皇山東入泚想有同名者許出宿于涕毛氏曰地名此
又一涕也

蜀江甚多沔漢寶二〇孔安國曰漾水東流為沔與沔合至漢

中為漢水是通稱也程氏曰水經敘漢自西樂城以上為沔以
下為漢後人以南陽水為沔非也一日西流南流者沔東流者
漢按漢或時有言從南陽入襄可漕此殆南陽之沔歟司馬徽
居沔北非歟合溪曰岷江之外其水有七出于綿之神泉曰緜
水出于什邡之章洛山曰洛水分流于永康之湔壩者湔水緜
水自緜竹紫巖山逕德陽洛水自什邡入雒水逕導江崇寧
九隴濛陽亦入雒三水皆合于雒自雒逕順至盧
與江水會總曰內水發源於剛氏道微外會江油之清川逕縣
潼遂東至於合曰涪水發源于沔之青泥嶺逕大安利閬果至
合與涪水會曰嘉陵水發源干小巴嶺逕巴蓬之伏虞西南以

至於渠曰巴水出萬頃池逕明通又至渠與巴水合曰渠水巴
渠二水既合逕廣安新明至合與嘉陵涪水會以達于渝而江
始大此七水與江別合之大略也由此入中國分名有三曰青
衣曰竿山曰馬湖青衣出來山逕嚴道洪雅而一竿山出
鐵豹嶺逕漢源出嘉定之南與青衣水合入于江馬湖自譚都
流至敘亦入于江其旁出干郡邑山澤自岷至夔甚眾大者如
盛山之萬頃地則驪流有四一入于渠三八於夔惟漢出瞿家
分流趨襄陽竟陵至漢陽後與江合此蜀眾水之大略也合溪
猶未明江源出金沙而嘉陵之水即西漢即漾也胡文定曰欲
固上流必保漢沔或侯築二城築漢城于沔陽樂城于城固即

今漢中府城固縣洋縣皆城固地也漢與江合今日漢口古曰
沔口夏侯尚圍江陵使文聘別屯沔口止石楚自當一隊青龍
後屬吳今漢陽府也王首擊侃督護鄭攀於沔陽文敗朱伺于
沔口齊張仲傳梁王出沔口圍魯山即大別山沔左有郤月城
沙羨縣治也黃祖所守夏口即魯口山簡奔夏口庾翼為荊州
治夏口城據黃鵠磯邊江臨沔春秋時謂之夏沔吳黃武二年
城沙羨蟠西角為磯樓名黃鶴沙羨即江夏也一經主夏水本
江之別出自江陵東南流又東過華容又東至雲杜縣入沔謂
之暗口冬媚夏流智按是夾港也何尚之曰夏口在荆江之中
正對沔口智按此指夏口城即武昌也魯肅呂蒙屯陸口在或

昌蒲圻縣南卽今蒲磯口也水出下雋縣西三山溪沌轄口者
沌水上承新陽縣之太白湖東南流為沌水逕縣南注於江曰
沌口竟陵郡新陽縣分雲杜二者也郭舒留屯沌口陶侃刺荆
鎮沌口陳侯安都討王琳至沌口後梁華皎與日不戰於沌
口皆此地華陽志云漢二源東源出武都氏道漾山因名漾禹
貢漾流為漢是也西源出隴西嶓冢山會白水經葭萌入漢戴
氏曰有三源其一在興州三泉縣總之漢因初源謂之漾因合
沔而通謂之沔或謂之笮今沿漢水而東有寧羌州有沔縣又
東有洋縣卽古洋州也洋漾聲相近寧羌州漢之沮縣晉之武
都也王伯厚斷以為一泥矣戴說漢漾沔未明升菴曰蘇代謂

漢中之甲出巴者源出西和州徼外經階沔與嘉陵水合閬水
卽漾水也浪漾亦通墊江出江谷澤經仇池出宕渠至巴郡八
江智按桑欽敘漾漢而尾言西漢水又按鞏昌西和縣有嘉陵
江故沒之曰源出秦州之嶓冢至重慶江津縣之嘉陵江而入
岷江者西漾水也所謂導漾為漢也出漾中府沔縣之嶓冢至
漢陽大別山漢口入岷江者東漢水也所謂沔與漢合也漾至
沮縣卽為漢水沔水自出武都沮縣東浪谷漢至岷山與
沔合曰沮口沮縣今漢中略陽惟漾至沮為漢而沔人出于沮
縣故言者泥

外水卽岷江內水卽涪江中水卽沱江○宋劉裕遣朱齡石伐

蜀寇譙縱眾軍悉從外水取成都臧禧從中水取廣漢老弱乘
高艦從內水上黃虎史炤通鑑釋文曰巴都今之重慶正對上
水口右則涪內水左則蜀外水自渝上合州至綿州曰內水自
渝上戎瀘至蜀謂之外水按外水即岷江自重慶上合州加定
是也內水即涪江自重慶上合州遂寧潼綿是也中水即沱江
自瀘州上富順資簡金堂漢州曰四川者即取岷江沱江黑水
白水四大川以為名爾沈約米書資江為中水涪江為內水
宅流曰沱潛曰潛○禹貢於梁州言岷嶓既軌沱潛既道于荆
州又曰沱潛既道浮于江沱潛漢又曰岷山道江東別為沱水
經曰江水自彭天關東逕汶關氏道縣北東別為沱漢志蜀郡

郫縣禹貢沱江在西南東入江蜀郡汶江縣沱江在西南東入江
杜佑通典沱在濛陽郡唐昌縣鼂氏曰今永康軍導江縣西北
二十里有沱江漢志水經所志之沱其源岷江是也自導江東
南流至彭州永昌縣西為都江者杜佑所志之沱也自江都至
天勅山分而為二一名瀘水自天勅山十五里復合于都江一
名廣濟江自天勅山東流至彭州九隴縣復合于都江自永昌
之都江東南流至成都府郫縣北為郫江者通典謂禹貢沱
江者也伯厚詩地理攷曰通典沱水在彭州唐昌縣今崇寧縣
水經氏道江水東別為沱云開明之所鑿也郭景純謂玉壘作
東別之標今茂州汶山縣梓潼張氏曰凡梁岷山左皆曰岷右

皆曰嶓出干岷者皆為江江之別皆為沱出嶓者皆為漢漢之別皆為潛凡此皆梁州之沱也漢志又曰沱出南郡枝江縣八江康成曰華容有夏水首出干江尾八干沔所謂沈也蓋以此為荆州之沱一曰與江別而復入於江曰沈以貝不似干夾江特其首尾長耳建安蔡氏曰枝江之沱水入於江非出於江也承天府之潛江安慶府之潛山俱有潛水非首尾如夾江也沱潛之稱可謂難明矣詩江有沔江有渚江有沱沱潛記潛皆為通名故訓潛為潛流沱為他流謂與江別耳

五湖大湖也○史記正義舊吳湖射貴湖上湖洮湖瀾湖索隱與郭璞江賦注曰具區洮瀾彭蠡青蠡洞庭或曰太湖與楚州

射陽岳州青艸潤州丹陽洪州宮亭此未確也水經注江南東注干具區謂之五湖口國語越伐吳戰於五湖范蠡返至五湖而辭越虞翻曰是湖有五道韋昭曰書謂之震澤爾雅謂之具區今名太湖或曰長塘曰射貴曰瀾馮衍傳注曰瀾洮射貴太以兼小支而得五名也或曰五灣曰游莫貢陵胥

九江洞庭也○禹貢釋文及尋陽地記以為鳥白江蚌江鳥江嘉靡江畎江源江蘆江提江茵江張須元綠江以爲三里江五州江嘉靡江鳥上江白蚌江白鳥江茵江沙提江蘆江始于鄂陵終于江口會于桑落州漢志在尋陽縣此皆泥在尋陽九派也太康地記曰劉歆以為湖漢九水入彭蠡水經云在長沙

下雋西北胡氏以洞庭為九江會氏謂過九江至於東陵東陵
今之巴陵巴陵之上即洞庭也攷之前志沅水漸水辰水敘水
酉水澧水資水湖水皆洞庭楚人呼水皆為江揚東熙曰以岷
江至澧旁大水入江者為九江曰竿山曰青衣曰嘉陵曰金沙
馬湖杜敘八曰綿漾嘉陵曰北涪曰巴杜重慶合八曰貴鳥江
合南涪以南八曰方湖之流北從巫峽八曰施南之水南從夷
道八是也出今論之何不以鄱漢洞庭而拜三夷水南北涪與
巴嘉陵為九乎

不一○孔安國云自彭蠡江分為三八震澤遂為北江而
入海孔蓋泥彭蠡既涸而牽合之也彭蠡震澤入海各殊而三

江豈可強同乎虞林猶持孔氏說與桑欽水經班固地理志相
附而乃謂南江自牛渚上桐水過安言歷長瀆出松江入海者
則又謬甚矣郭景純以岷瀾松為三江韋昭以松瀾浦陽為三
江亦疑孔安國之言而臆說邪酈道元引以為據何哉程大昌
所進禹貢山川道里圖邊實所修崑山續志類訛承而舛踵之
耳惟張守節曰三江杜蘇州自西南至太湖曰松江自東南入
白鯢曰上江亦曰東江自東北下三百餘里海曰下江亦曰
婁江蓋得之矣吳地記與庾仲初揚都賦註朱長文吳郡續圖
經其所言雖有詳略蓋皆本諸守節者也以今攷之太湖與吳
江長橋東北合龐山湖者松江也又東南分流出白鯢入急水

澱之山東而入海者東江也自龐山過大姚東北經崑山石浦
安亭由清浦入海婁江也但澱湖之東流既塞而安亭亦失其
故道久矣此單錡所謂開白蜺安亭通龍鎮以入海者也王介
甫云一江自義興一自毗陵一自吳縣皆小水亦合之膽云岷
江為中江漢為北江豫章為南江曾氏云北江中江皆禹所導
南江乃其故道故經不之志余安慶亦號為三江口正謂合漢
蜀豫章江也此吳幼清之說也以江行漢水彭湖水之中為中
江人不達禹貢之文辭耳周禮職方揚州三江疏云江至尋陽
南合為一東行至揚州入彭蠡復分為三道入海此謬極矣熙
云按震澤居松江之上多震動禹貢既云三江既入遂云震澤
底定則守節之論確矣

沂有二源○水經云沂出蓋縣文山道元則曰沂有二源一出
祚泉一出奠窮山又曰沂水北對稷門魯之城門也隔水為雲
壇智按今蒙陰縣東北地名南河川小阜之下有田狗泉此所
源也東南逕馬頭固山有泉東流與之合北望沂山五十里殊
無別源據周禮沂山因水得名鄭玄齊儒不應有誤疑沂山水
源古流今竭耳何振卿名山記沂山瀑數丈
丹水有七○澤州高平縣有泫水一曰丹水漢上黨高都縣堯
谷丹水所出東南入泫水高都澤州晉城縣階曰丹州漢丹水
屬弘農郡以為白起坑趙卒水盡赤故曰丹水山海經洛水出

謹舉山東與丹水合丹水出竹山浴合丹然後合尸水乳水蠱
尾之龍餘水陽虛之玄扈水自謹舉至玄扈凡九山玉板曰倉
頡為帝南巡登陽虛臨玄扈龜負丹甲青文之圖即此處也其
內鄉縣之丹水乎水經注陰溝即狼湯渠亦久以水又云丹水
亂流故反兼丹水之稱又水經丹水出上洛冢嶺山至丹水縣
入於汧逕三戶城合於南陽之淝水其逕南鄉縣北所謂商於
之地也呂覽曰堯有丹水之戰以服南蠻此水也竹書紀年曰
宋殺其大夫皇綏於丹水之上是獲渠亦兼丹水之稱朱虛縣
有東丹水西丹水出丹山今作丸山訛也夷水逕夷道縣合丹
水水有亦氣故名

蘭溪有二○蘭溪在唐為兩縣名一屬蘄州沛水改為蘭溪一
屬潯州杜牧之詩蘭溪春盡水泱泱蓋蘄州之蘭溪也杜守黃
州作此詩黃承蘭溪下流故耳

浯水有二○演繁露曰世傳浯溪元結自名之說文浯水出琅
邪靈門壺山八灘則非元造矣程泰之獨不引淮南子之澗浯
乎山東之浯乃吾山之水也吾山即夷山瓠子歌用之元次山
之浯則在道州

漳有十一以清濁合流而名○趙晉之間有清漳濁漳沮水逕
當陽參城與漳水合鞏昌有漳縣灑上有漳水過豫章郡為章
江漳州有漳浦亳州有漳水安州有漳水即德安府大洪山之

漳水此地漢稱豫章陳留過水逕城父縣沙水枝分注之世謂之漳水宜章有大小二章水存中以清濁相蹂者為漳章者文也別也漳謂兩物相合有文章且可別也清漳濁漳合于上黨當陽即沮漳合流潁上即漳澗合流漳州予未曾目見章郡即西江合流亮漳則漳渦合流雲夢則漳鄖合流此數處皆清濁合流邑理如蠓螋數十里方混

洛水有九○蜀有雒縣雒水自章山至新都谷入瀕蜀都賦浸以縣雒職方氏雍州其浸渭洛易氏曰左馮翊懷德縣即疆梁原之洛水邊有圍洛北條荆山在縣西正洛水源也孔安國注禹貢漆沮亦曰洛水出馮翊此又一洛水出慶州洛源縣有於

白山洛水所出東流至鄜州洛交縣又東南流至京兆府雲陽東又徑同州澄城西北此皆非導洛自熊耳之洛也淮南地形訓洛出獵山注獵山在北海西北邊外洛東南流入渭詩云瞻彼洛矣是也括地志言出廣州一名漆沮至華陰南流入渭王氏朱氏皆云詩之瞻洛尚是東都之洛也東都洛出弘農即上洛縣熊耳山水經謂出謹舉山至鞏縣入河此三洛矣水經注又廣漢泉出臨洮西傾山逕洛和城南洛和水出和溪逕黑水城而北注白水此一洛也又有平洛水出玉女臺下平洛澗注於潁是亦洛水也鵠南溪水注于洛水洛澗北歷秦墟下注淮謂之洛曰此又一洛也琅邪臨沂縣有洛水注之洛水出太山

南或陽之冠石山此又一洛也圖書編引延安洛記云洛水出慶陽府環縣卽古洛陽縣也經延安府甘泉縣卽古雕陰縣也經鄜州宜君縣子午嶺至中部縣入西安府界經耀州及同官縣至富平縣入沮水歷蒲城同州至朝邑縣東南入渭沿河三府之人至今皆呼為洛河漆沮之名亦不知也古今郡縣慶陽有洛源縣延慶有洛川縣及三川洛其一也朝邑有洛施鄉水經言延安形勝云洛水之交漢志亦云雍州其浸渭洛註云洛水經北條荆山而東南入渭此尤為明證漢志又云洛都襄洛皆延安近洛之地略無一字及漆者獨漢上郡志有曰漆沮又不知何所指顏師古曰洛水卽漆沮也此後世指洛為漆沮之

田豈洛亦名漆與作記者不知鳳輦自有漆沮二水以二漆為一水而莫究其源但云自同官縣界來不知自同官來者洛也一統志遂言同官之漆出自鳳翔不知漆水為經所問其能飛度涇汭來同官邪秦士往往疑此故詳取而著之又按粵西柳州有洛容縣雲南蘭滄亦名洛則洛有十一矣

黑水不一○山海經黑水出崑崙西北隅唐書黑水在唐高昌西北顧起元曰黑水在唐謂三姚冢族沱括云秦使張宿其下山之士石紫黑似磁下卽黑水彼謂黑為盧水為龍盧龍卽黑水也集韻作黑柳子厚云雍西之漆為黑水會子固言棄糠黑水見于釣突贊寧云悉唐卽黑溪智按黑水不一北史元魏

伐蟪蛄過黑水蜀南瀘江亦黑水疑與禹貢入南海不合今又
按之黑水經三危者屬雍州在沙州燉煌之東南勢亦西流入
南海者屬梁州在滇雲篤筑之南如所謂葉渝諸川俱黑是也
又云崑崙西南有嘉湖分為潞江大居檳榔安義四大江皆拍
數千里入南海而無源弱水黑水其入流沙而出此子履按李
元陽曰西洱海出浪穹是黑水伏流別派也點蒼山後潭水漾
水合而會蘭滄江入南海蘭滄即黑水也其辨曰潞江蘭滄皆
由吐蕃西北來潞尚遠蘭滄至交趾入海水內為漢人水外為
夷人則禹道惟蘭滄為近孟津會有蜀人在北勝濮人北順寧
地理志南中山曰昆彌水曰洛山海經曰洱水西流入于洛則

蘭滄亦名洛也元史至正八年大理勸農官張大道使交趾竝
黑水跨雲南以至其國則蘭滄為黑水明矣三危山不在麗江
當亦不遠蓋隴蜀滇鼎太隴則西南斜長入蜀滇則西北斜長
近隴蜀則尖長入隴蜀之間正如三角播黑水之源正在播頭
故雍以黑水為西界對西河而言也梁以黑水為南界對華陽
而言也其大所言分為二而不俱南流或所引四大江出于流
沙南一湖者其弱水之伏流出乎中腹尚有一疑岷江旁舍馬
湖緬甸之金沙江為江水之源而黑水之源與隴雍近則無乃
穿金沙江而過如益為滎之例乎抑黑水之源止於馬湖緬甸
之內乎抑金沙江曲入吐蕃而廻入馬湖合青羊與岷乎如此

則黃河源大江源黑水源皆崑崙南幹春上之南北分水子侯
考

龍門之名不一○水經注魏士地記曰梁山北有龍門山大禹
所遺通孟津河口廣八十步巖際鑄跡尚存有廟前石
碑三一碑可識太和中大括地志龍門在馮翊夏陽縣北禹鑿以通
近黃河禹所鑿高貴正義云龍門在馮翊夏陽縣北禹鑿以通
河東郡之西界也而史記正義乃云徐州龍門縣何也如以名
同水經注陳留汝水東龍門故瀆出焉屈原過夏首顧龍門郢
之東門也今廣州府有龍門縣保寧府昭化縣鄖陽府延平尤
溪縣沔縣峨嵋縣大同宣府山陰縣皆有龍門山漳州漳平縣

有龍門洞廣西賀縣有龍門灘肇昌成縣有龍門鎮其名山衡
廬台宮以龍門名者不可勝數姚文燮曰黃河自積石折入北
方界中二千餘里若葦精以下其間險峻如龍門稱龍門者不
知九幾惟壺口以南乃為禹所鑿所謂懸崖千仞聲若萬雷者
是也

夾右碣石八千河非長城所起之碣石也○平州石城縣西南
有碣石即漢石北平郡驪山縣水經注曰驪城枕海今歷父為
水所淪入海去岸五百餘里此則禹貢夾右碣石八千河之碣
石也山海經碣石之山繩水出焉注在遼西臨渝縣南水中秦
皇刻碣石處通典碣石山在漢樂浪郡遂城縣長城起于此山

東截遼水而入高麗遼跡猶存此則又一碣石也今以平州之
赴海者為右碣石以高麗中為左碣石漢或東巡海上亦至碣
石今永平昌黎有碣石山撫寧孤山亦碣石也孫閣輔承宗復
關外八城議守覺華島即截遼水之碣石舊云八高麗乃可以
八高麗耳

江南為夢江北為雲後人或合稱之○郭景注爾雅以岳陽巴
丘湖為楚之雲夢非也筆談曰舊尚書禹貢云雲夢土作久太
宗時得古本尚書作雲土夢作久詔改從古予按孔安國注夢
夢之澤在江南不然也據左傳吳人入郢楚子涉睢濟江入于
雲中王寢盜攻之以戈擊王王奔郢楚子自郢西走涉睢則當

出于江南其後涉江入雲中遂奔郢則今之安陸州涉江而後
至雲入雲然後至郢則雲在江北也左傳曰鄭伯如楚王以田
江南之夢杜預注楚之雲夢跨江南北曰江南之夢則雲在江
北明矣元豐中予自隨州道安陸入於漢口有景陵主簿郭思
者能言漢沔間地理亦謂江南為夢江北為雲予以左傳驗之
思之說信然江南則今之公安石首連寧等縣江北則長沙監
利景陵等縣乃水之所委其地最下江南二浙水出稱高方土
而夢已作久矣此古本之為允也智謂存中說是然因其同為
湖浸或亦通稱如子虛之雲夢必謂一澤也至吳人入郢之郢
乃今江陵存中以為安陸誤矣李軌讀雲夢平聲燮云地志雲

夢在江北德安湏水左右諸湖是左近山稍高為夢跨江南北者言跨江湏非大江也

孟諸一作盟豬卽孟豬望諸在虞城。東坡有去杭十五季後遊西湖詩斷章云誰憐寂寞高常侍老去狂歌憶孟諸高適有兩詩言孟諸其一云朝臨孟諸上忽見芒碭間赤帝終已矣白雲常不還其後又有封丘詩云我本漁樵孟諸野一生自是悠悠者乍可狂歌草澤中寧堪作吏風塵下東坡所用乃後一篇也左傳孟諸之糜爾雅作宋藪孟諸職方氏青州藪澤望諸禹貢作孟豬古文作盟豬在梁國睢陽卽今歸德府虞城縣揭衷熙曰禹時為濟水所被故曰孟豬

淮源在信陽而入海在鹽城今為黃河所并矣。○淮水出信陽州胎簪山過唐州桐柏山歷光蔡潁壽盱眙至淮安鹽城北入海此故道也今并于河丘文莊曰洪武二十四季河決原或之黑陽山壽州正陽鎮而全入于淮正統時又決滎陽至懷遠入淮淮獨當大河又況加清口之沁泗沂哉曾讓上策不能行而歲費數百萬智謂不如聽之聽之而上策乃可行也崇禎壬午賊沒河灌開封城守且季亦以河為救而汴城為河矣文莊若狂不更嘆乎此面古今之變郎仁寶曰淮源當依禹貢出桐柏山不可依水經出胎簪山胎簪低于桐柏百餘丈源文小智以為凡水之源皆小愈合而愈大禹貢亦就所見言之耳桐柏胎

管皆源也若江不源金沙而止源平岷豈足據哉

漸江卽淛江也○水經有漸江山海經有淛江莊子曰淛河秦
始皇至錢塘臨淛江吳越春秋曰越王至浙江之上望見大越
山川重秀天地再清漸與淛淛異文耳避暑錄談曰桑欽水經
兩淛獨略欽北人未嘗至東南但取山海經為證爾山海經三
天子都狂彭澤安得至此今錢塘江乃江北之下流雖白彭澤
來蓋眾江所會不應獨取此一水為名漸卽淛子智按水經曰
漸江出三天子都注云山海經謂之浙江地理志水出丹陽黟
縣漢志注云漸江水出南蠻水而郭璞注山海經曰浙江出新
安縣縣南蠻東入海今錢塘浙江是也黟卽歙也今始分為二

縣三天子郡今率山張公山也右水下饒州彭蠡左水注浙漸
江南有博江江有靈鼓成帝鴻嘉封廣德國漸江逕遂安縣有
四十七瀨而合桐谿又合於潛縣北之天目山水過杭入海葉
少蘊不知三天子都為徽州率山故誤謂自彭澤來耳

什谷卽洛泃○張儀曰塞什谷之口卽洛泃而銳也河南府鞏

縣洛水東經洛泃北對琅邪渚入河又名洛口又名什谷山海
經曰洛水成皋西八河以鞏縣或屬成皋也什一作鞏書曰涇
屬渭泃孔氏曰水北曰泃職方氏雍州之川涇泃鄭氏曰泃幽
地詩云泃汎之卽左傳曰會于漢泃以相入為說康成依職方
以泃為水名所引詩今本作芮鞫毛氏曰芮水厓也陸氏曰芮

水作泗水之外曰鞠漢志內水出古扶風游縣職方之泗自為水名智按本以內為泗之義而固為水名康成不善說耳

聖水今瑠璃水也○水經注聖水出上谷有白魚出穴逕王石山過良鄉縣合大防山之水又合樂水桃水涑水涿水孫汝登日即今琉璃河其蘆溝即桑乾與濕水也范文穆成大使金過涿州詩曰琉璃河上者鴛鴦即此地

涑涑即桑乾也○桑乾水即涑涑水潛承大原靜樂縣之天池伏流至馬邑從雷山陽發為渾泉天池澄渟鏡淨若朝那之湫淵有人以車墜池而獲干桑乾伏流也靜樂為唐管州有管吟山濕一作涑水出雁門陰館縣過代郡桑乾縣南會桑乾水又會

如渾水竿水崢水過鉅鹿會居庸清燕水水經云過廣陽薊縣北道元曰薊南七里有清泉河蓋水經誤矣此即濕水同流也孫汝登曰廣陽今京師薊州今大興大興為京師首縣則一處也或王封堯後於薊封呂公即干此秦滅燕以為廣陽郡今之薊則古之渙陽也清泉河上承桑乾河東與潞河合入渙陽而枝分諺云高粱無上源清泉無下尾是也

沈水乃次水也○水經渭逕渭城南而沈水注之注云渭城即故咸陽漢高更名新城或元鼎二季別為渭城沈水承皇子陂於樊川逕杜伯冢下杜城與昆明池水合過壁王門而北流注渭亦謂是為瀟水也呂忱曰瀟水出杜陵說文瀟涌出也顏籀

曰此卽今沈水字本作次與沈相似人因名沈水丁度作次瀟與次聲通而訛也天文志量適背穴孟康曰穴或作鑄此可證也瀟音訣

奔水口今皖之張家灣也○水經注奔水口水出嵩縣霍山西麓所謂天柱山卽皖公尖也曰奔湖卽石門湖也

唐紉口今所謂整山也○水經云賁水出零陵都梁縣路山注云出武陵無陽縣界唐紉山逕武岡縣乃分都梁之所置也以與無陽相鄰則羅公山近之羅公洞口水今為西濱整之水為東濱又合夫夷水而下寶慶卽古邵陵也紉卽糾字經云過夫夷縣誤矣土人呼天魚水經夷望溪卽今常德魚網溪

瓠園卽瓠子無定河卽園水三戶城在內鄉漢壽在廣元○陳後山曰瓠子在雷澤上人謂之瓠園唐志銀州載無定河卽園水三戶城在內鄉西南春秋時卽有此城漢壽在保寧府廣元縣閩羽封亭侯者此也越絕書言范蠡生干宛素徐文長言范蠡生干三戶城則三戶其宛素子

澧注於沔非澧州之澧也南陽衡山非南嶽也沔水卽瀨水也○水經注南陽雒衡山卽山海經所云衡山郭璞以為南岳非矣汝水條下有澧水逕葉公廟北山海經曰澧水東流注于沔水孫汝澄沔或作親按當為瀨之水今在內鄉鴻溝官渡也今汴河也汜汜古通而後別也○河渠書滎陽下

引河東而為鴻溝文穎曰卽官渡水也蓋為二流一南經陽武
為官渡水一東經大梁城卽河溝今之汴河是也或曰始皇既
鑿以灌魏然蘇秦之言鴻溝矣葭若渠自滎陽五池口東注之
鴻溝卽出河之溝官渡在中牟臺下近時屬河陰縣地有鴻溝
其云官渡臺者袁紹起土山以逼壘魏武亦起高臺以捍之卽
中牟臺也今陽武縣在官渡之西南為滎陽成皋汜
水厥倉虎牢按成皋今為汜水縣滎陽故東魏國秦置厥倉楚
漢戰京索間是也漢高帝卽依汜水之陽則狂曹州汜水音記
若侯表記鄉侯何武則音九韻會記在函韻曰汜鄭地狂許州
襄城縣漢高卽依汜水與漢也傳汜邑汜勝之皆音凡而汜狂

紙韻江有汜水別復入也與日入濛汜同音又水名在成皋縣
皆音祀智曰成皋之汜非漢高卽依處邪互引而別其形音何
也春秋天王出居鄭汜注音凡此謂南汜秦與晉圍鄭軍汜南
此東汜也毋乃古一字互寫而後別之又誤別之乎史記索隱
載記音有四音梵音凡音祀音圮智按祀圮偶通互而記汎形
訛故說文以汜記別之書仲丁遷于囂詩搏獸于敖左傳晉師
狂敖鄙之閭二山名敖狂滎陽西北臨河有太倉曰敖倉狂石
門之東北臨汴水漢高因敖倉築甬道下汴是也汜水縣古東
魏國鄭之制邑漢之成皋襄二季城虎牢卽成皋也地理志注
穆天子傳云七萃生捕虎獻天子天子書之東魏曰虎牢

孔明渡瀘非今之瀘州也。○升菴曰瀘州古之江陽而瀘水乃今之金沙江卽黑水也其水色黑故以瀘名之從吐蕃可跋海入西洱河曰滄潭水又出會川乃為瀘水況黎古志孔明南征田今黎州路黎州四百餘里至兩林蠻自兩林南瑟瑟部三程至窩州十程至瀘水瀘水四程至弄棟卽姚州也今之金沙江托滇蜀之交一托或定府元江驛一托姚安之左卻據况黎志孔明時所渡當是今之左卻也瑟瑟一作虱瑟瑟兩林今功部長官司按一統志屬四川行都司

水經敘大江過會稽餘姚入海此桑君長之大誤也。○水經舛誤酈道元亦屢辨之至于敘岷江水至豫章口而止及敘沔水

當自漢口入江而止乃言其過中渚石城分為二江是大小失倫矣江淮河濟為四瀆謂獨為主也今顧以沔為瀆而岷江附之失矣二江謂一為焦山下海之江一為丹徒向姑蘇之小河大小混稱更失矣若敘沔至石城分為二其一過毗陵而南江過寧國又與桐水合此皆不能通又曰松江出馬奇分三江口又東至會稽餘姚縣東八千海此大誤矣酈道元全不能正其失而又曰南江枝分歷烏程南通餘杭縣則與浙江合闕駟十三州志曰江水至會稽與浙江合此尤誤極浙江卽漸江自為一水豈與蘇松嘉湖之水相通乎桑酈皆托北方宜其誤耳酈好傳會紀異聞舛錯不少如揣擬天台赤城之流誤引彌明為

翳桑之餓可盡舉乎

墨子相如郭璞孔安國之言江湖皆未考也○上林賦敘水八川東注太湖郭璞江賦云注五湖以漫漭灌三江而湍沛墨子曰禹治天下南為江漢淮汝東流江之五湖孔安國曰自彭蠡江分為三入千震澤後為北江而八千海此皆未詳考

鬱水出廣信東入海此應劭之誤也○山海經曰鬱水出象郡東南注南海入海八項陵東南者也應劭曰鬱水出廣信東入海水經注曰言始則可終則非矣智謂言始亦非蓋漢之廣信為交州治所即今之梧州也鬱亦非今之鬱林州其水合牂牁而來即今左右兩江于梧州始合府江則鬱水至廣信與離水

合而下端州廣州入海豈始於廣信乎

唐志總載水數本水經注也○唐六典水部堂天下川瀆陂池之政令凡天下水泉三億三萬三千五百五十九其在中國江河大水也百三十五水是中川也千二百五十二水是小川也桑欽水經所引天下之水百三十七江河在焉酈善長注水經引其支流一千三百五十二唐志水經桑欽撰舊志則云郭璞撰隋志與通典水經無名氏考儒林傳桑欽君長漢成帝時人經云永安順帝更名是順帝以後纂序又考經云或侯壘乃孔明也河水北薄骨律鎮城元魏鎮名也智謂後人沿加耳後漢書注戶佼二十篇一篇言九州水泉所起金蔡伯堅子珪著水

經補亡四十篇或云水包地外出地中天下川源處處有之安
可番數如嶺外之左右江發源滇黔經流兩粵受二十餘水拍
三四千里而南入于海其勢與淮等可為一大瀆禹時無割湯
之虞亦未詳及然中國所見者悉東南流耳其北崑崙西蒲昌
海折八千里西入北高海飲馬士刺旺吉阿魯札黑金山陰山
諸水在沙漠外折六七千里入北水海安義河係嘉湖西派亦
受三十餘水折三千餘里西南入橈葛刺海此皆見其源而不
知其尾者余作禹書經天合地圖參泰西地毬畫度補入之

通雅卷之十五終

